

摘藻堂四庫全書薈要

史部

欽定四庫全書薈要

史部

御批歷代通鑑輯覽卷六十一

欽定四庫全書薈要卷七千五百十四

御批歷代通鑑輯覽卷六十一

唐

穆宗皇帝

和元年夏四月韋處厚請避位不許

上雖虛懷聽納而不能堅決與宰相議事已定尋復
中變韋處厚于延英極論之因請避位上再三慰勞
之

虛懷聽納而不能堅決不特繁
室無成亦且小人得以生計此
失策之大者也

以高瑀

冀州修人

為忠武

貞元十年以陳許節度為忠武軍

節度使

自大歷以來節度使多出禁軍大將皆以倍稱之息
貸錢以賂中慰動踰億萬然後得之未嘗由執政至
鎮則重歛以償所負及是忠武帥王沛

許昌人

卒裴度

韋處厚始奏用高瑀中外相賀曰自今債帥鮮矣

六月以王播同平章事

播入朝力圖大用所獻銀器以千計綾絹以十萬計
遂得宰相

秋七月葬莊陵

在西安府三原縣西北

八月兗海節度使李同捷叛詔削其官爵發諸道兵討

之初橫海節度使李全畧

本王日簡賜姓名

卒其子同捷擅

領留後朝廷經歲不問

全畧卒于寶歷二年三月敬宗持詔不下

及上即

位同捷冀易世之後或加恩貸遣使奉表請遵朝旨

乃移同捷鎮兗海

朝廷猶慮河南北諸鎮構扇同捷使拒命乃悉加檢校官

已而

同捷託為將士所留不受詔詔削官爵命烏重胤王

智興等各帥本軍討之

同捷遣其子弟以珍玩女妓賂河北諸鎮李載義執其姪

并所賂獻之史憲誠與全畧為婚獨以資財助同提
裴度不之知以憲誠為無二心會憲誠遣吏至中書
請事韋處厚謂曰晉公于上前以百口保汝使處厚
則不然但仰俟所為自有朝典耳憲誠懼不敢復與
同提通時烏重胤屢被同提兵王智興亦奏拔棣州
會重胤卒以李憲代之憲所過殘暴至則擁兵不進
但坐索供饋詔改憲夏綏
以李祐為橫海節度使

戊申二年春三月親策制舉人

自元和之末宦官益橫建置天子在其掌握威權出

人主之右人莫敢言賢良方正劉蕡

字去華
昌平人

對策極

言其禍

畧曰陛下宜先憂者官聞將變杜稷將危天
下將傾海內將亂又曰陛下將杜稷之漸

則居正位而近正人遠刀鋸之賊親骨鯁之直輔相
得以專其任庶職得以守其官奈何以褻近五六人
總天下之政禍稔蕭牆姦生帷幄臣恐曹節侯覽復
生于今日又曰忠賢無腹心之寄閤寺持廢立之權
陷先君不得正其終致陛下不得正其始又曰威柄
陵夷藩臣跋扈或有不達人臣之節首亂者以安君
為名不究春秋之微稱兵者以逐惡為義則正刑不
由乎天子征伐必自于諸侯又曰陛下何不塞陰邪
之路屏褻狎之臣制侵陵迫脅之心復門戶掃除之
役戒其所宜戒憂其所宜憂既不能治于前當除于
後既不能正其始當正其終則可以虔奉典謨克承
丕構矣昔秦之亡也失于彊暴漢之亡也失于微弱
彊暴則賊臣畏死而害上微弱則姦臣竊權而震主
伏見敬宗皇帝不虞亡秦之禍不剪其萌伏惟陛下
深軫亡漢之憂以杜其漸又曰臣聞昔漢元帝即位
之初更制七十餘事其心甚誠其稱甚美然而綱紀

曰秦國祚日衰姦宄日彊黎元日困者以其不能擇
賢明而任之失其操柄也又曰陛下誠能揭國權以
歸相持兵柄以歸將則心無不達行無不孚矣又曰
法宜畫一官宜正名今分外官中官之員立南司北
司之局或犯禁于南則亡命於北或正刑於外則破
律於中法出多門人無所措實由兵農勢異而中外
法殊也又曰今夏官不知兵籍六軍不主兵事軍容
合中官之政戎律附內臣之職首一戴武弁戾文吏
如仇讐足已蹈軍門視農夫如草芥謀不足以剪除
免逆而詐足以抑揚威福勇不足以鎮衛社稷而暴
足以侵軼里閭羈縻藩臣下臨宰輔隳裂王度汨亂
朝經張武夫之威上以制君父假天子之命下以御
英豪有藏姦觀釁之心無仗節死難之義豈先王經
文緯武之旨邪又曰臣非不知言發而禍應計行而
身戮蓋痛社稷之危哀生人之困豈
忍姑息時忌竊陛下
一命之寵哉

考官散騎常侍

考官既歎賞黃
策乃以指斥宦
官指桑非錄衡
鑑之公安在諫
官又復為執政
所抑鉗口不言
紀綱於是掃地
矣

馮宿

字拱之婺州東陽人

等見黃策皆嘆服而畏宦官不敢取

裴休

字公美濟源人

李邵

字子元道州延唐人也

杜牧

字牧之孫佑之孫

崔慎由

字敬

止融之孫

等二十二人中第皆除官物論囂然稱屈諫官

御史欲論奏執政抑之李邵曰劉黃下第我輩登科

能無厚顏乃上疏曰黃所對策漢魏以來無與為比

今有司以黃指切左右不敢以聞恐忠良道窮綱紀

遂滅况臣所對不及黃遠甚乞回臣所授以旌黃直

不報黃由是不得仕于朝終于使府

節度幕府御史

秋九月詔削王庭湊官爵命諸軍討之

庭湊陰以兵助李同捷乃下詔罪狀庭湊削官爵命

諸軍四面討之

時同捷軍勢日盛庭湊不能救乃遣人說魏博大將升志紹使殺史憲誠

父子取魏博志紹遂作亂引所部兵二萬人還逼魏州義成節度使李聽討破之志紹奔鎮州

升音牽

舊書作升音其皆姓也未知孰是

冬十二月中書侍郎同平章事韋處厚卒

以路隋同平章事

隋言于上曰宰相任重不宜兼金穀瑣碎之務如楊

宰相叙百揆其職固無所不統自漢晉以來兩言大言變理謝

安自命風流於是不親案更不視細事名尊相體實慕官常路隋此言所謂知其一未知其二至楊國忠輩擅權通賄由於委任非人以彼貪險性成當日即不魚瑣務其能盡匡弼之職乎相者雖不免急功然以諸道攻三年不能得之賊一旦誅之其

國忠元載皇甫鎛皆姦臣所為不足法也上以為然于是裴度辭度支上許之

己酉三年春二月橫海節度使李祐帥諸道兵擊李同捷破之夏四月同捷降滄景平

李祐帥諸道兵擊李同捷拔德州同捷請降祐遣大將萬洪守滄州宣慰使栢耆疑同捷之詐自將數百騎馳入滄州以事誅洪取同捷詣京師或言王庭湊欲以奇兵篡之者斬同捷傳其首諸道兵攻同捷三

功固可抵過也
乃以李祐之死
遂令目盡何以
勵用命之士哉

年僅能下之而耆取為已功諸將疾之爭上表論貶
耆為循州司戶初祐病聞耆殺洪大驚遂劇上曰祐
若死是耆殺之也祐尋卒賜耆自盡

六月魏州軍亂殺其節度使史憲誠推何進滔

靈武人知

留後以拒命秋八月以進滔為魏博節度使

初憲誠聞滄景將平而懼使其子唐

字得仁後更名孝章

奉表

請入朝且以所管聽命詔徙憲誠鎮河中而以李聽
鎮魏博憲誠竭府庫以治行將士怒殺憲誠奉兵馬

使何進滔知留後聽至魏州不得入七月進滔出兵
擊聽走之時河北久用兵饋運不給八月遂以進滔
為節度使

以殷侑

陳州人

為齊德滄景節度使

是年始以齊州隸橫海

滄州乘喪亂之餘骸骨蔽地戶口存者十無三四侑
至鎮與士卒同甘苦招撫流散勸之耕桑三年之後
戶口滋殖倉廩充盈

赦王庭湊復其官爵

庭湊因鄰道微露請服之意遂赦之

以李宗閔同平章事

徵李德裕為兵部侍郎裴度薦以為相會宗閔有宦官之助遂以宗閔同平章事宗閔惡德裕逼已出之

滑州

九月命宦官毋得衣紗縠綾羅

上性儉素聽朝之暇惟以書史自娛聲樂遊畋未嘗留意駙馬韋處仁著夾羅巾上謂曰朕慕卿門地清

元頴時事召譽
詆不足惜然蠻
人已襲陷諸州
而不聲其內犯
之罪乃因表謀
知帥為之汲汲
敗遂措置若此
河北賦尚可去
哉

素故有選尚如此巾服聽其他貴戚為之卿不須爾

冬十一月禁獻奇巧及織纖麗布帛

南詔寇成都入其郭

西川節度使杜元頴以文雅自高不曉軍事減削士卒衣糧戍卒皆入蠻境鈔盜自給蠻人反以衣食資

之由是蜀中虛實動靜蠻皆知之南詔嵯巔遂謀入

寇

初南詔勸龍晟淫虐不道弄棟節度使嵯巔殺之立其弟勸利勸利死立其弟豐祐豐祐越敢善用

其下會杜元頴為治無狀嵯巔遂謀入寇勸龍晟異牟尋之孫弄棟漢縣南詔于此置府今曰姚州為

姚安府治以蜀卒為鄉導襲陷雋戎邛州戎州唐置今四

注俱詔發近鎮兵救之嵯巔自引兵徑抵成都陷其

外郭大掠子女百工數萬人及珍貨而去

嵯巔遣使上表曰杜

元穎不恤軍士軍士競為鄉導祈誅虐帥誅之不遂無以慰蜀士之心願陛下誅之詔貶元穎循州司馬

戊庚四年春正月以牛僧孺同平章事

李宗閔引僧孺為相相與排擯李德裕之黨稍稍逐之

二月興元軍亂殺節度使李絳三月以溫造為山南西

道節度使討平之

南詔之寇成都也詔山南西道發兵救之節度使李絳募兵千人赴之蠻退而還詔悉罷之絳召新軍諭旨賜以廩麥而遣之皆怏怏而退監軍楊叔元素惡絳不奉已以賜物薄激之衆怒大譟掠庫兵趨使牙絳方宴走登北城或勸絳縋而出絳曰吾為元帥豈可逃去麾推官趙存約令去存約曰存約受明公知何可苟免牙將王景延戰死絳存約等皆遇害叔元

奏絳收新軍募直以致亂三省官上疏共論絳冤及
叔元激怒亂軍之罪上始悟以溫造為山南西道節
度使討亂兵造行至褒城遇興元都將衛志忠征蠻
歸密與之謀以其兵八百人為牙隊五百人為前軍
入府分守諸門既視事饗士卒志忠密以牙兵圍新
軍殺之八百人皆死楊叔元起擁造靴求生造命囚

之詔流康州

唐置今肇慶府德慶州是

以柳公綽為河東節度使

陁北沙陀

沙陀保神武川在陁嶺之北

素驍勇為九姓六州胡所

畏伏公綽至鎮奏以其酋長朱邪執宜為陰山都督

使居雲朔塞下捍禦北邊

執宜入謁神彩嚴整進退有禮公綽謂僚佐曰執宜

外嚴而內寬言徐而理當福祿人也使夫人與其母妻飲酒饋遺之執宜感恩為之盡力自是虜不敢犯塞

夏六月以裴度為司徒平章軍國重事

度以老疾辭位故有是命仍詔三五日一入中書

秋七月以宋申錫

字慶臣史不詳何所人

同平章事

上患宦官彊盛元和寶歷逆黨猶在而中尉王守澄
尤專橫嘗密與申錫言之申錫請漸除其偏上以申
錫沈厚忠謹可倚以事擢為宰相

九月以裴度為山南東道節度使

初裴度征淮西奏李宗閔為判官由是漸獲進用至
是宗閔怨度薦李德裕因其謝病出之

冬十月以李德裕為西川節度使

蜀自南詔入寇一方殘弊德裕至鎮作籌邊樓圖蜀

臯之上獨以門戶恩然之見牢不可破是以學蓋雖中機宜而舉措動多隔閡况宗閭僧孺輩乎於此見黨人之禍人家固可為深歎

地形南入南詔西達吐蕃日召老于軍旅習邊事者

訪以山川城邑道路險易廣狹遠近未踰月皆若身

嘗涉歷上命德裕修塞清溪關

在今雅州府清溪縣南

以斷南

詔入寇之路德裕上言通蠻細路至多不可塞惟重

兵鎮守可保無虞

時北兵皆歸本道惟河中陳許三千人在咸都有詔來年亦歸蜀人

惴懼德裕奏乞鄭滑五百人陳許千人以鎮蜀且言蜀兵脆弱新為蠻寇所困皆破膽不堪征戍若北兵盡歸則與杜元穎時無異朝臣建言罷兵蓋由禍不在身望人責一狀留入堂案他日敗事不可令臣獨

當國憲朝廷皆從其請德裕乃練士卒葺保障積糧儲以備邊蜀人粗安

辛亥五年春正月盧龍將楊志誠逐其節度使李載義二月以志誠為留後

上聞志誠作亂召宰相謀之牛僧孺曰范陽自安史以來非國所有劉總暫獻其地朝廷費錢八十萬緡而無絲毫所獲今日志誠得之猶前日載義得之也因而撫之使捍北狄不必計其逆順上從之以載義恭順有功拜太保以志誠為留後

三月貶漳王湊

帝之弟

為巢縣公宋申錫為開州司馬

申錫引用王璠
不害害成固皆

目貽伊戚時是
又宗既與謀誅
臣奇方且寄以
腹心乃反間一
行遂陷其術而
不悟甚矣其憤
順也

上與申錫謀誅宦官申錫引王璠

字魯王元和初進士

為京兆

尹以密旨諭之璠泄其謀王守澄鄭注知之使人誣

告申錫謀立漳王上以為信然甚怒守澄欲遣騎屠

申錫家飛龍使馬存亮固爭曰如此則京城自亂矣

守澄乃止上命捕所告品官宴敬則等于禁中鞠之

皆自誣服獄成左常侍崔元亮

字晦叔磁州昭義人

給事中李

固言

字仲樞趙人

諫議大夫王質

字華卿通五世孫

補闕盧鈞

字子

和藍田人

等請以獄事付外覆按上曰吾已與大臣議之

矣元亮叩頭流涕曰殺一匹夫猶不可不慎重况宰
相乎上意稍解復召宰相入議牛僧孺曰人臣不過
宰相申錫復欲何求且申錫殆不至此注恐覆按詐
覺乃勸守澄請止行貶黜存亮即日致仕坐死徙者

數十百人

申錫竟卒于貶所
開成初詔復官爵

秋八月以崔郾為鄂岳觀察使

鄂岳多盜剽行舟郾訓卒治兵作蒙衝

戰船也

追討悉

誅之初郾在陝以寬仁為治或經月不答一人及至

鄂嚴峻刑罰或問其故郾曰陝土瘠民貧吾撫之不暇尚恐其驚鄂地險民雜慄狡為姦非用威刑不能致治政貴知變蓋謂此也

九月吐蕃將悉怛謀以維州注見前來降

吐蕃維州副使悉怛謀請降盡帥其衆奔成都李德

裕遣兵據其城

維州城本姜維故壘在高碛山上

具奏其狀事下尚

書省集百官議皆請如德裕策牛僧孺曰吐蕃之境四面各萬里失一維州未能損其勢比來修好約罷

成兵中國禦戎守信為上彼若來責失信養馬蔚茹

川亦曰葫蘆河出今固原州西南北流至寧夏府入黃河元和志蔚茹水在蕭關縣西一名葫蘆河

上平涼阪萬騎綴回中怒氣直辭不三日至咸陽橋
此時西南數千里外得百維州何所用之上以為然
詔德裕以其城及悉怛謀悉歸之吐蕃吐蕃誅之于
境上極其慘酷德裕由是怨僧孺益深

尹起莘發明曰維州之絳司馬氏光既是僧孺而胡
氏寅又復非之此如訟牒紛拏孰從而折衷邪夫維
州唐之故壤吐蕃盜而有之幸而德裕展布方畧悉
怛謀帥眾來降固非其他招納叛降之比胡乃拒而

不納萬一河湟故土盡復版圖亦時却而絕之乎審此則牛李之是非決矣

壬子六年春正月羣臣上尊號不受

右補闕韋溫

字弘育貫之兄綬之子

言今水旱為災恐非崇飾

徽稱之時上善之辭不受

冬十月立魯王永

帝長子

為太子

十二月牛僧孺罷

西川監軍王踐言入知樞密數為上言縛送悉怛謀以快虜心絕降者非計也上亦悔之尤僧孺失策僧

孺內不自安會上謂宰相曰天下何時當太平卿等
亦有意于此乎僧孺對曰太平無象今四夷不至交
侵百姓不至流散雖非至理亦謂小康陛下若別求
太平非臣所及退謂左右曰主上責望如此吾曹豈
得久居此地乎因累表請罷出為淮南節度使

昭義節度使劉從諫入朝

以李德裕為兵部尚書

初李宗閔與德裕有隙及德裕還自西川上注意甚

杜棕欲用一宮
臨德裕此時

為宗閔畫策平
賊耳若德裕已
朝夕可望入相
豈轉以知舉與
御史大夫為重
哉蓋德裕之意
以宗為宗閔謀
主故偽為驚喜
寄謝冀緩其傾
陷之計史家乃
謂德裕實艷羨
科第清華何異
癡人說夢然德
裕之機詐實亦
可鄙矣

厚朝夕且為相宗閔百方沮之不能深以為憂京兆
尹杜棕謂曰德裕有文學而不由科第常用此為慚
慚若使之知舉則可以平宿憾矣宗閔曰更思其次
棕曰不則用為御史大夫宗閔曰可矣棕乃詣德裕
告之德裕驚喜泣下寄謝重沓宗閔復與給事中楊
虞卿謀之事遂中止

癸丑七年春正月加劉從諫同平章事遣歸鎮

初從諫以忠義自任入朝欲請他鎮既至見朝廷事

柄不一心輕朝廷故歸而益驕

二月以李德裕同平章事

德裕入朝上與之論朋黨事時給事中楊虞卿與從

兄中書舍人汝士

字慕巢

等善交結依附權要上聞而

惡之故與德裕言首及之德裕因得以排其所不悅者他日又復言及朋黨李宗閔曰臣素知之故虞卿輩臣皆不與美官李德裕曰給舍非美官而何宗閔失色

嘗稱威克愛克
國行師不易之
論而推之控馭
外夷為尤宜觀
載義以二卒守
門回鶻即不敢
犯念其勝嚴兵
防衛遠矣無識
者約束所過州
縣逢迎供饋惟
恐傷之損望長
驕何足以言治
體

夏六月以李載義為河東節度使

先是回鶻每入貢所過暴掠州縣不敢詰但嚴兵防
衛而已載義至鎮回鶻使者李暢入貢載義謂之曰
可汗遣將軍入貢修好非遣將軍陵踐上國也將軍
不戢部曲使之侵盜載義亦得殺之勿謂中國之法
可忽也于是悉罷防衛兵但使二卒守其門暢畏服
不敢犯令

以鄭覃

珣瑜子

為御史大夫

初李宗閔惡覃在禁中數言事奏罷其侍講上從容
謂宰相曰殷侑經術頗似鄭覃宗閔對曰覃侑經術
皆可尚然論議不足聽李德裕曰覃侑議論他人不
欲聞惟陛下欲聞之幸甚後旬日宣出

不由宰相進
擬從中宣出

除覃御史大夫宗閔謂樞密使崔潭峻曰事皆宣出
安用中書潭峻曰八年天子聽其自行事亦可矣宗

閔愀然而止

未幾宗閔罷為山
南東道節度使

秋七月以王涯同平章事兼度支鹽鐵轉運使

八月詔諸王出閣停進士試詩賦

上患近世文士不通經術李德裕請依楊綰議罷詩賦又言昔元宗以臨淄王定內難疑忌宗室不令出閣議者以為幽閉骨肉虧損人倫天寶之末建中之初所以悉為安祿山朱泚所魚肉者由聚于一宮故也陛下誠能聽其年高屬疎者出閣又除諸州上佐使携其男女出外婚嫁此則百年弊法一旦去之海內孰不欣悅上曰茲事朕久知其不可今諸王豈無

賢才無所施耳于是下詔并停詩賦然諸王出閣竟

以議所除官不決而罷

既而德裕罷相
進士復試詩賦

加盧龍節度使楊志誠右僕射

初以志誠為吏部尚書志誠怒不得僕射留官告使

朝廷不得已加志誠僕射別遣使慰諭之

杜牧憤河朔三鎮之

桀驁而朝廷議者專事姑息乃作書名罪言大畧以
為上策莫如先自治中策莫如取魏最下策為浪戰
不計地勢不審攻守是也又傷府兵廢壞作原十六
衛畧曰貞觀中內以十六衛蓄養戎臣外開折衝果
毅府五百七十四以儲兵伍有事則戎臣提兵居外
無事則放兵居內其居內也所部之兵散舍諸府三

時耕稼一時治武籍藏將府伍散田畝力解勢破人
人自愛其居外也緣部之兵被檄乃來奔殲在前爵
賞在後雖暴交梓宜暇異圖自開元末愚儒請罷府
兵武夫請搏四夷于是府兵內削邊兵外作尾大中
乾而天下掀然根萌燼然矣蓋兵居外則叛居內則
篡使外不叛內不篡其置府立衛乎又作戰論以為
河北視天下猶珠璣也天下視河北猶四支也河北
氣俗渾厚果于戰耕加以土息健馬便于馳敵是以
出則勝處則饒不窺天下之產自可封殖亦猶大農
之家不待珠璣然後以為富也國家無河北則精甲
銳卒良弓健馬無有也河東盟津滑臺大梁彭城東
平盡宿厚兵不可他使六鎮之師低首仰給咸陽西
北戎夷大屯赤地盡取絳能應費是猶四支盡解頭
腹兀然其能以是久為安乎誠能治其五敗則一戰
可定四支可生戰士離落兵甲鈍弊是不蒐練之過
其敗一也百人荷戈千夫仰食此不責實之過其敗

二也小勝則張皇邀賞貴極富溢則不肯搜奇出死
此厚賞之過其敗三也多喪兵士顛翻大都跳身而
來刺邦而去回視刀鋒氣色甚安此輕罰之過其敗
四也大將兵柄不得自專思臣刺使迭來抑之此不
專任之過其敗五也今誠欲調持干戈灑掃垢汙以
為萬世安而乃踵前非是不可為也又作守論以為
今之議者皆曰倔强之徒吾以良將勁兵為衝策高
位美爵充飽其腸安而不抗外而不拘亦猶秦擾虎
狼而不拂其心則忿氣不萌此大歷貞元所以守邦
也亦何必疾戰焚煎吾民然後以為快也愚曰生人
油然多欲欲而不得則爭亂隨之是以教答于家刑
罰于國征伐于天下此所以裁其欲而塞其爭也大
歷貞元之間盡反此道提區區之有而塞無涯之爭
是以首尾指支幾不能相運棹也不知非此而反用
以為經愚見為盜者非止于河北而已又注孫子為
之序曰兵者刑也刑者政事也不知自何代分為二

道縉紳之士不敢言兵豈復知自古主兵者必聖賢才能多聞博識之士乃能有功議于廊廟之上兵形已成然後付之于將耳彼為相者安得曰兵非吾事吾不當知哉跳身謂逃至京師也刺邦謂敗為刺也

九月以鄭注為右神策判官

注依倚王守澄權勢燠灼上深惡之侍御史李欵

字

源長慶初進士

閤內奏彈注請付法司旬日之間章數十上

守澄匿注于右軍左軍中尉韋元素惡注軍將李弘

楚說元素召而殺之因見上請罪元素從之注至蠖

屈鼠伏佞辭泉湧元素不覺執手歎曲以金帛厚遺而遣之弘楚怒解職去王涯為相注有功焉且畏王守澄遂寢李欵之奏守澄言注于上而釋之尋奏為侍御史充右神策判官朝野駭歎

後注守太僕卿兼御史大夫舉欵以

自代曰加臣之罪雖于理無辜在欵之誠乃事君而盡節人皆哂之

冬十二月羣臣上尊號不受

羣臣上尊號會中使薛季稜自同華還言閭閻彫弊上歎曰關中小稔百姓尚爾況江淮比年大水其人

何如吾無術以救之敢崇虛名乎因以通天犀帶賞
季稜羣臣四上表竟不受

上有疾

上始得風疾不能言王守澄薦鄭注上飲其藥頗有
驗遂有寵然上自是神識耗減不能復故

甲寅八年春二月壬午朔日食

夏六月旱

上以久旱詔求致雨之方司門員外郎李中敏

字藏之

西人上表曰仍歲大旱直以宋申錫之冤濫鄭注之姦
邪今斬注而雪申錫天必雨矣不從中敏乃謝病歸
東都

冬十月幽州軍亂逐節度使楊志誠推史元忠主留務
志誠伏誅

元忠獻志誠所造充衣僭物詔流嶺南道殺之

已而元

忠為盧龍
節度使

以李宗閔同平章事李德裕罷為山南西道節度使李

仲言為翰林侍讀學士

初李仲言流象州

仲言以武昭事獲罪具見前

過赦還東都會留

守李逢吉

逢吉由山南節度使留守東都

思復入相仲言自言與鄭

注善逢吉使仲言厚賂之注引仲言見王守澄守澄

薦于上言其善易仲言儀狀秀偉倜儻尚氣頗工文

辭有口辯多權數上見之大悅欲以為諫官置之翰

林李德裕曰仲言鄉所為計陛下必盡知之豈宜寘

之近侍上曰然豈不容其改過對曰仲言之惡著于

心本

猶言心根

安能悛改上曰逢吉薦之朕不欲食言對

曰逢吉身為宰相乃薦姦邪以誤國亦罪人也上曰

然則別除一官對曰亦不可上顧王涯涯對曰可德

裕揮手止之上回顧適見不憚而罷始涯聞上欲用

仲言草諫疏極憤激既而見上意堅且畏其黨盛遂

中變尋以仲言為四門助教

給事中鄭肅韓欽封還敕書德裕出中書王涯

詐謂二人曰李公適留語令二閣老不用封敕二人即行下德裕聞之大驚曰有司封駁豈當稟宰相意

邪

鄭肅字又敬滎陽人韓欽字相

之長安人閭老唐兩省官相呼之稱

仲言及注皆惡德裕以宗閔與德裕不相悅引宗閔以敵之及是上遂相宗閔而出德裕于興元以仲言

為翰林侍讀學士

仲言尋改名訓

十一月王庭湊死子元逵自知成德留後

元逵改父所為事朝廷甚謹

已而以元逵為節度使

以李德裕為鎮海節度使

先是德裕見上請留京師上以為兵部尚書及是李宗閔言德裕見命已行不宜自便詔復以德裕鎮浙

正人指邪人為
邪邪人亦指正
人為邪二語似
矣然邪正固不
容不別而朋黨
實非朝廷所宜
有如李德裕較
之牛僧孺為惡
正矣至其朋黨
惡習何嘗不為
當時之害

西時德裕宗閔各有朋黨互相擠援上患之每歎曰
去河北賊易去朝中朋黨難

以王璠為尚書左丞

鄭注深德璠

世宋中錫之
謀事見前

李訓亦與之善共薦之

乙卯九年春正月浚曲江及昆明池

鄭注言秦地有災宜興役以禳之也

夏四月以李德裕為賓客分司路隋罷

初德裕為浙西觀察使漳王傅母杜仲陽坐宋中錫

事放歸金陵詔德裕存處之會德裕已離浙西
牒留後李蟾使如詔至是王璠等奏德裕厚賂仲陽陰
結漳王圖為不軌上怒甚路隋曰德裕不至此果如
所言臣亦應得罪乃以德裕為賓客分司而以隋代
為鎮海節度使不得面辭而去德裕尋復貶袁州長

史

制以上初得疾王涯呼德裕問起居不
至又在蜀徵逋懸錢百姓愁困貶之

以賈餗

字子美
河南人

同平章事

餗性褊躁輕率與李德裕有隙而善于李宗閔鄭注

故上用之

五月以仇士良

循州興寧人

為神策申尉

初宋申錫獲罪宦官益橫上不能堪李訓鄭注揣知上意數以微言動上上意其可與謀大事遂密以誠告之訓注遂以誅宦官為己任二人言無不從聲勢烜赫注多在禁中或時休沐賓客填門賂遺山積外人但知訓注倚宦官作威福不知其與上有密謀也上之立也仇士良有功王守澄抑之由是有隙訓注

為上謀進擢士良以分守澄之權

六月貶李宗閔為明州刺史秋七月以李固言同平章

事京城訛言鄭注為上合金丹須小兒心肝民間驚

懼鄭注素惡京兆尹楊虞卿與李訓共搆之云此語

出于虞卿家人上怒下虞卿獄注求為兩省官李宗

閔不許注毀之于上會宗閔救虞卿上怒叱出敗之

虞卿亦敗虔州司馬虔州唐置今江西贛州府是以李固言為相訓注為上

畫太平之策以為當先除宦官次復河湟次清河北

訓注開陳方畧未嘗非當時急務故言之足聳聽聞時二人皆

姦邪無實所行
不逮所言且復
伐異黨同睚眦
必報始則罔上
以行私既乃僨
事而誤國是知
以言取人未有
不為姦人所惑
者

開陳方畧如指諸掌上以為信寵任日隆連逐三相

李德裕路

隋李宗閔

威震天下于是平生絲恩髮怨無不報者

時人皆言注朝夕且為相侍御史李甘揚言于朝曰

白麻出我必壞之子庭遂貶封州司馬然訓亦忌注

不欲使為相事竟寢李甘字和鼎長慶

未進士封州唐置今肇慶府封川縣是

以鄭注為翰林侍讀學士貶李珣為江州刺史

注好服鹿裘以隱淪自處上以師友待之注之初得

幸上嘗問翰林學士李珣曰卿知有鄭注乎對曰臣

宣不知其人姦邪陛下寵之恐無益聖德至是以注

為工部尚書翰林侍讀學士珏貶江州時注訓所惡

皆目為二李

宗閔
德裕

之黨貶逐無虛日班列殆空

陳弘志伏誅

時弘志為興元監軍李訓為上謀討元和之亂

憲宗之崩

當時皆言陳弘志弑逆事具前

召之至青泥驛

在漢中府略陽縣西北青泥嶺上

封

杖殺之

李固言罷以鄭注為鳳翔節度使

初注求鎮鳳翔固言不可乃出固言鎮興元而以注

為鳳翔即李訓雖因注得進及勢位俱盛心頗忌注
託以中外協勢以誅宦官故出注于鳳翔其實俟既
誅宦官并圖注也注請禮部員外郎韋溫為副使溫不可或曰拒之必為患溫曰擇禍
莫若輕拒之止于遠貶從之有不測之禍卒解之

以舒元與李訓同平章事

元與為中丞凡訓注所惡者則為之彈擊由是得為
相上懲二李朋黨以賈餗及元與皆孤寒新進故擢
為相庶其無黨訓起流人期年致位宰相天子傾意

任之天下事皆決于訓王涯輩承順其風指惟恐不逮

冬十月以王涯兼權茶使

先是涯請改江淮嶺南茶法增其稅及是上問鄭注以富人之術注無以對乃請權茶以涯為使其法籍民茶園而量給之直官自造作人甚苦之

後注敗遂罷

殺王守澄

尹起莘曰按唐書王守澄陳弘志二人之罪惟均然弘志之死封杖殺之故綱目書伏誅

至于守澄則陰遣醜通之而又加贈其官故綱目書殺今依綱目

訓注為上謀誅守澄先授守澄神策觀軍容使尊以
虛名實奪之權至是遣中使就第賜酖殺之訓注本
因守澄以進卒謀而殺之人皆快守澄之受佞而疾
訓注之陰狡于是元和之逆黨畧盡矣

加裴度兼中書令

李訓所獎拔率皆狂險之士然亦時取天下重望以
順人心如裴度令狐楚鄭覃皆累朝耆俊久能散地
訓皆引居崇秩由是士大夫亦有望其真能致太平

自古宦官之禍
至甘露之變而
極注訓合謀各
懷私見既懷要
功之意復無禦
定之才築室道
謀宜其敗耳君
不密失臣臣不
密失身猶不足
為若輩責也

者不惟天子感之也然識者見其橫甚知將敗矣
十一月李訓舒元興鄭注等謀誅宦官不克以鄭臯李
石同平章事仇士良殺訓注元興及王涯賈餗等

始鄭注與李訓謀至鎮選壯士數百為親兵奏請入
護王守澄葬仍請令內臣盡集送之因令親兵殺之
使無遺類約既定訓與其黨謀如此事成則注專有

其功乃以郭行餘

元和
進士

鎮邠寧王璠鎮河東使多

募壯士為部曲以羅立言

宣州

知京兆府事韓約

朗州

武陵人

為金吾衛大將軍又與御史中丞李孝本

宗室子

謀并注去之宰相惟舒元輿與其謀他人莫知也及

是日上御紫宸殿百官班定韓約奏左金吾聽事後

石榴夜有甘露因蹈舞再拜宰相亦帥百官稱賀訓

元輿勸上往觀以承天貺上許之先命宰相視之訓

還奏非真未可宣布上顧仇士良帥諸宦者往視之

宦者既去訓召行餘璠受敕璠股栗不敢前獨行餘

拜殿下時二人部曲數百皆執兵立丹鳳門外訓召

之入士良等至左仗韓約變色流汗士良怪之俄風
吹幕起執兵者甚衆士良等驚走詣上告變訓呼金
吾衛士上殿衛乘輿者人賞錢百緡宦官即舉軟輿
迎上決殿後累愚疾趣北出羅立言帥京兆邏卒三
百皆登殿縱擊宦官死傷者十餘人訓知事不濟脫
從吏綠衫衣之走馬而出王涯賈餗舒元興還中書
士良等知上豫其謀怨憤出不遜語上慙懼不復言
士良等命左右神策兵五百人露刃出討賊殺金吾

吏卒六百餘入諸司吏卒及民酤販在中者皆死又
千餘人擒舒元與王涯王璠羅立言等皆繫兩軍涯
年七十餘不勝苦自誣服與李訓等謀行大逆禁兵
及坊市惡少年乘勢剽掠塵埃蔽天明日百官入朝
上御紫宸殿問宰相何為不來仇士良曰王涯等謀
反繫獄因以涯手狀呈上上召左右僕射令狐楚鄭
覃示之悲憤不自勝謂曰是涯手書乎對曰是也命
楚覃參決機務使楚草制宣告中外楚叙涯等反事

浮沉仇士良等不悅由是不得為相而以鄭覃李石
同平章事擒獲賈餗李孝本李訓為人所殺傳其首
左右神策出兵以訓首引涯璠立言餗元與孝本獻
于廟社徇于兩市命百官臨視腰斬于獨柳之下親
屬皆死孩穉無遺數日之間殺生除拜皆決于中尉
上不豫知也鄭注將親兵至扶風知訓已敗復還鳳
翔監軍伏甲斬之滅其家僚屬皆死右軍獲韓約斬
之士良等進階遷除有差自是天下事皆決于北司

宰相行文書而已

宦官自是氣益盛每延英議事士良等動引訓注折宰相鄭覃李石

曰訓注誠為亂首但不知訓注始因何人得進宦者稍屈縉紳賴之

十二月召六道巡邊使還京師

初王守澄惡宦者田全操等六人李訓鄭注因遣分詣鹽靈等道巡邊詔六道使殺之會訓注敗六道得詔皆廢不行至是召之全操等追忿訓注之謀在道揚言我入城凡儒服者盡殺之乘驛疾驅而入京城訛言寇至民驚走諸司奔散鄭覃李石在中書覃謂

石曰耳目頗異宜出避之石曰宰相位尊望重人心所屬不可輕也今事虛實未可知堅坐鎮之庶幾可定若宰相亦走則中外亂矣且果有禍亂避亦不免覃然之石坐視文案沛然自若至晡乃定

以薛元賞為京兆尹

時禁軍暴橫京兆尹張仲方不敢詰以薛元賞代之元賞嘗詣李石第聞石方坐聽事與一人爭辯甚喧元賞使覘之云有神策將下訴事元賞趣入責石曰

元賞搃杖軍將
引笏風力亦未
流之鍾鐃者士
民雖強橫據理
且折從固莫如
之何因服往見
入何為哉

相公紀綱四海不能制一將軍使無禮如此何以鎮
服四夷即命左右擒出其黨訴于仇士良士良召之
元賞曰屬有公事行當至矣乃杖殺之而白服以見
士良曰中尉宰相皆大臣也宰相之人若無禮于中
尉如之何中尉之人無禮于宰相庸可怒乎中尉與
國同體為國惜法元賞已囚服而來惟中尉死生之
士良無可如何乃呼酒與元賞歡飲而罷

丙辰開成元年春二月加劉從諫檢校司徒

昭義節度使劉從諫上表請王涯等罪名且言涯等

荷國榮寵安肯構逆訓等實欲討除內臣兩中尉

仇士

良魚弘志遂誣以反逆若其實有異圖亦當委之有司正

其刑典豈有內臣擅領甲兵恣行剽劫延及士庶橫

被殺傷臣欲身詣闕庭面陳臧否恐并陷拏戮事亦

無成謹當修飭封疆訓練士卒如女~~姦~~臣難制誓以死清

君側仇士良等懼乃加從諫檢校司徒從諫復表讓

曰臣之所陳繫國大體可聽則涯等宜蒙滌洗不可

聽則賞典不可妄加安有死冤不申而生者荷祿因
暴揚士良等罪惡士良等憚之由是鄭覃李石粗能
秉政天子倚之亦差以自彊

三月詔京兆收葬王涯等

令狐楚從容奏王涯等身死族滅遺骸棄捐請收瘞
之上慘然久之命京兆收葬涯等十一人仇士良潛
使人發之棄骨渭水

夏四月以李固言同平章事

固言薦崔球

李宗閔之黨

為起居舍人鄭覃以為不可上

曰公事莫相違覃曰若宰相盡同則事必有欺陛下

者矣

上與宰相語患四方表奏華而不典李石對曰古人因事為文今人以文害事上又嘗與宰相

論詩覃曰詩之工者無若三百篇皆國人所作之以刺美時政王者采之以觀風俗耳不聞王者為詩也陳後主隋煬帝皆工于詩不免亡國陛下何取焉覃篤于經術上甚重之

秋七月以魏謩

字申之徵五世孫

為補闕

李孝本二女配沒右軍上取之入宮拾遺魏謩上疏曰竊聞數月以來教坊選試以百數莊宅收市猶未

己又召李孝本女不避宗姓大興物論臣竊惜之上
即出之擢謇為補闕謂曰朕選市女子以賜諸王耳
憐孝本女孤露故收養宮中謇于疑似之間皆能盡
言可謂愛我不忝厥祖矣命中書優為制辭以賞之
謇後為起居舍人上就取記注觀之謇不可曰記注
兼書善惡所以儆戒人君陛下但力為善不必觀史
上曰朕婦嘗觀之對曰此婦日史官之罪也若陛下
自觀史則史官必有所諱避何以取信于後上乃止
又嘗命謇獻其祖文貞公笏鄭覃曰
在人不在笏上曰亦甘棠之比也

己丁
二年春三月彗星見

彗星出于張長八丈餘詔撤樂減膳以一日之膳分
充十日

夏四月以公權為諫議大夫

上對柳公權於便殿舉衣示之曰此衣已三澣矣衆
稱上儉德公獨曰陛下富有天下宜招賢納諫以致
雍熙服澣濯之衣末節耳上謂有諍臣風故有是命

以陳夷行

字周道其先江左諸陳世家潁川

同平章事

夷行性介直同位多相牴牾獨與鄭覃善每議政事

嘗助之

是冬李固言罷為西川節度使

冬十月國子監石經成

在今西安府學內

初鄭覃奏經籍訛繆請令儒臣校正準後漢熹平故

事

蔡邕書石經事見前

勒石太學從之既而覃以宰相判國子

監奏以起居郎周墀

字德升汝南人

等勘定文字旋令上石

至是始成

考舊唐書鄭覃所立石經官校字體有乖師法立後數十年名儒皆不窺之即今西

安府學石經是也天祐中韓建改築長安新城石皆委棄外城宋元祐中呂大防始移今學年歲久遠剥

泐殘嗣後人別為摹補刻立小石于碑旁開成舊本所存什之五六而已

刑盜殺武元衡
以許孟容一言
尚令窮捕茲則
累擊相臣直同
完戲且彼謀自
強藩此則隙由
閹豎每况愈下
國事尚可問乎

戊午三年春正月以楊嗣復

字繼之於陵子

李珣同平章事李石

罷為荆南節度使

上自甘露之變意忽忽不樂或徘徊眺望或獨語歎

息嘗謂宰相曰朕每讀書恥為凡主然與卿等論天

下事有勢未得行者退但飲醇酒求醉耳時宦官恣

橫李石忘身殉國故紀綱粗立仇士良深惡之潛遣

盜殺之不果

石入朝盜射之微傷馬驚馳歸又有盜邀擊于坊門斷其馬尾僅而得免上大

驚詔中外捕盜甚急竟無所獲

石懼辭位上深知其故而無如之何

從之

以李宗閔為杭州刺史

楊嗣復欲援進宗閔恐為鄭覃所沮乃先令宦官諷上上以語宰相覃果對曰陛下若憐宗閔只可量移若欲用之臣請避位陳夷行亦曰宗閔纖人鄉以朋黨亂政陛下奈何愛之楊嗣復曰事貴得中覃等因與嗣復互相詆訐上曰與一州無傷覃等退上謂魏謩曰宰相諠爭如此可乎對曰誠為不可然覃等盡

忠憤激不自覺耳

李固言素與嗣復珣善固言既罷引二人居大政以排鄭覃陳夷行

每議政之際是非蜂起上不能決也

夏五月禁諸道言祥瑞

太和之末杜悰鎮鳳翔時有詔沙汰僧尼會有五色雲見于岐山近法門寺民間訛言佛骨降祥以僧尼不安之故監軍欲奏之悰曰雲物變色何常之有未幾獲白兔監軍又欲奏之悰曰野獸未馴且宜畜之旬日而斃監軍不悅畫圖獻之已鄭注代悰奏紫雲

見又獻白雉是歲遂有甘露之變及惛判度支河中
奏騶虞見百官稱賀上謂惛曰李訓鄭注皆因瑞以
售其亂乃知瑞物非國之慶卿在鳳翔不奏白兔真
先覺也對曰昔河出圖伏羲以畫八卦洛出書大禹
以叙九疇皆有益于人故足尚也至于禽獸草木之
瑞何時無之劉聰桀逆黃龍三見李龍暴虐得蒼麟
白鹿以駕紫蓋以是觀之瑞豈在德願陛下專以百
姓富安為國慶自餘不足取也上善其言遂詔諸道

皆勿以祥瑞聞

秋八月詔神策將吏改官皆先奏聞

開成以來神策將吏遷官多不奏聞直牒中書令覆奏施行遷改殆無虛日至是始詔皆先奏聞狀至中書然後檢勘施行

冬十月太子永卒

初太子永之母王德妃無寵為楊賢妃所譖而死太子頗好遊宴昵近小人賢妃日夜毀之上召宰相及

兩省御史郎官議廢之皆言太子年少容有改過國
本至重豈可輕動中丞狄兼謩論尤切至于流涕給
事中韋溫曰陛下惟一子不教陷之至是豈獨太子
之過乎翰林及神策六軍使數十人復表論之上意
稍解宦官宮人坐流死者數十人至是暴薨

通鑑考異曰太

子永非良死也但宮省事秘外人莫知其詳以故第云暴薨

吐蕃彝泰贊普死第達磨立

彝泰多病委政大臣僅能自守故不為邊患達磨荒

淫殘虐國人不附災異相繼吐蕃益衰

己未四年春三月司徒中書令晉公裴度卒

諡曰文忠

度鎮河東以疾求歸東都詔入知政事正月至京師不能入見勞賜旁午至是卒上怪度無遺表問其家得半藁以儲嗣未定為憂言不及私度身貌不踰中人而威望遠達四夷四夷見唐使輒問度老少用捨以身繫國輕重如郭子儀者二十餘年

夏五月鄭覃陳夷行並罷

太和政事已成
尾大不掉夷行
所陳深中時弊
羣臣等不知以
國事為重而各
隨私心言言傾
軋朝政不綱正
坐此輩庸臣所
誤嗣後之國勢
中傷亡為奸險
文宗慶不知音
此殊甚矣

上與宰相論政事陳夷行言不宜使威權在下李珣
曰夷行意疑宰相中有美陛下威權者耳臣屢求退
苟得王傅臣之幸也鄭覃曰陛下開成元年二年政
事殊美三年四年殆不如前楊嗣復曰元年二年覃
夷行用事三年四年臣與李珣同之罪皆在臣因叩
頭曰臣不敢更入中書遂趨出上召還勞之覃起謝
曰此乃嗣復不容臣耳嗣復曰覃言政事一年不如
一年非獨臣應得罪亦上累聖德退三表辭位上召

出之而罷覃及夷行覃性清儉夷行亦耿介故嗣復等深疾之

秋七月以崔覃

郾之弟

同平章事

鄭覃陳夷行既罷覃以太常卿入相

冬十月立陳王成美為皇太子

楊妃請立皇弟安王溶

穆宗第八子

為嗣上謀于宰相李

珣非之乃立敬宗少子成美為皇太子

上幸會寧殿作樂有童子

緣檀一夫往來走其下如狂上怪之左右曰其父也上泣然流涕曰朕貴為天子不能全一子召教坊劉

楚材宮人張十等數人責之曰構害太子皆爾曹也付吏殺之因是感傷舊疾遂增十一月疾少間坐思政殿召當直學士周墀問曰朕可方前代柯主對曰陛下堯舜之主也上曰朕豈敢比堯舜所以問卿者何如周顒漢獻耳墀驚曰彼亡國之主豈可比聖德上曰顒獻受制于彊諸侯今朕受制于家奴以此言之殆不如也因泣下沾襟墀伏地流涕自是不復視朝

回鶻相屈羅勿弒彰信可汗

屈羅勿引沙陀兵共攻可汗可汗自殺國人立盧駸特勃為可汗會歲疫大雪羊馬多死回鶻遂衰

唐五年春正月帝不豫宦官仇士良魚弘志矯詔立潁

武宗序非當立
且甫立即殺溶
及成美雖士良
等欲以此為功
而武宗之殘忍
亦甚卒之享國
不長其子亦不
得立可以觀天
道矣

王灋

穆宗第五子

為皇太弟廢太子成美為陳王帝崩灋殺

成美遂即位

是為武帝考太弟之立仇士良魚弘志所為也綱目于提綱不書士良等矯詔而

分主載之綱與目義例不符今依唐書帝紀改書

上疾甚命知樞密劉弘逸薛季稜引楊嗣復李珣至

禁中欲奉太子監國中尉仇士良魚弘志以太子之

立功不在已乃言太子幼且有疾矯詔立灋為太弟

成美復封陳王越二日上崩士良說太弟賜楊賢妃

安王溶陳王成美死太弟遂即位

時敕大行以十四日殯成服諫議大

夫裴夷直上言期日太遠不聽士良等追怨文宗凡樂工及內侍得幸者誅貶相繼夷直復上言陛下繼統宜速行喪禮早議大政以慰天下而未及數日屢誅戮先帝近臣驚率土之視聽傷先帝之神靈人情何瞻國體至重若使此輩無罪固不可刑若其有罪旬日何晚又不聽裴夷直字禮卿河東人

九月以李德裕同平章事

初上之立非宰相意于是楊嗣復李珣相繼罷去

五月

嗣復罷以崔公同平章事八月李珣亦罷崔珙博陵人也

召德裕而相之

德裕謝

言于上曰致理之要在乎辨羣臣之邪正夫邪正二者勢不相容正人指邪人為邪邪人亦指正人為邪人主辨之甚難臣以為正人如松柏特立不倚邪人如藤蘿非附他物不能自起故正人一心事君而邪

人競為朋黨先帝深知朋黨之患然所用卒皆朋黨
之人良由執心不定故姦邪得乘間入也夫宰相不
能人人忠良或為欺罔主心始疑于是旁詢小人以
察執政如德宗末年所聽任者惟裴延齡輩宰相署
敕而已此政事所以日亂也陛下誠能慎擇賢良以
為宰相有姦罔者立黜去之常令政事皆出中書推
心委任堅定不移則天下何憂不理哉又曰先帝于
大臣好為形迹小過皆含容不言日累月積以至禍
敗茲事大誤願陛下以為戒臣等有罪陛下當面詰
之小過則容其悛改大罪則加之誅誅如此君臣之
際無疑間矣
上嘉納之

冬十月黠憂斯

注見前

攻回鶻破之回鶻嗚沒斯款塞求

內附

黠戛斯部落即古堅昆唐初結骨也

注俱見前

乾元中為

回鶻所破不通中國其人悍勇吐蕃回鶻常賂遺之

假以官號回鶻既衰其酋長阿熱始自稱可汗回鶻

擊之連兵三十餘年反為所敗廬駘破殺諸部逃散

可汗兄弟嗚沒斯等及其相赤心那頡啜各帥其衆

抵天德塞下貿穀食且求內附天德軍使溫德彛奏

回鶻潰兵侵逼西城詔振武節度使劉沔

字汪彭城人

屯

雲迦關

唐書地理志單于府有雲迦關單于府今歸化城是

以備之

中官蔡子至明
李而樂極其實
已繼歸於此中
族一利不煩言
而以中微要端
幾何自有志者
力當力為主持
德裕徒以門戶
之見欲加裁諫
不顧是非不循
法度唯報復私
嫌是為可鄙甚

魏博節度使何進滔卒子重順知留後重順尋為節度使賜名弘敬

十一月以李中敏為婺州刺史

內謁者監仇士良請以開府蔭其子為千牛給事中

李中敏判云開府階誠宜蔭子謁者監何由有兒士

良慙恚李德裕亦以中敏為楊嗣復之黨惡之出為

刺史

武宗皇帝

辛會昌元年春三月殺知樞密劉弘逸薛季稜貶楊嗣

明罰飭法惟當
論其罪之當否
罪不當雖小豈
宜輕瀦罪誠當
雖大安得姑容
嗣復及珏如果
詭譎廢立實為
法所不宥特以
言出士良譏搆
其情尚近曖昧

復李珏遠州刺史裴夷直驩州司馬

劉弘逸薛季稜有寵于文宗仇士良惡之上之立非
二人及宰相意故楊嗣復李珏既罷士良屢勸上除
弘逸等于是賜二人死仍遣中使就誅嗣復及珏杜
悰奔馬見李德裕曰天子年少新即位茲事不宜手
滑時陳夷行方復相是月夷行以御史大夫同平章事德裕乃與夷
行及崔珙崔鄴三上表請開延英賜對遂入泣涕極
言上命之坐者三德裕等曰臣等願陛下免嗣復珏

耳杜際年少新
立不宜手滑云
云所謂似是而
非果爾則年既
長立既久遂可
不思則順乎見
聞錄載宗范仲
淹於光化知軍
遇賊棄城事欲
為西晉其死所
傳尤為悖理向
已深斥其說而
其手滑二字實
即原本於此事
不同而義則一
因并為之

二人死勿使既死而衆以為冤今未奉聖旨臣等不
敢坐久之上乃曰特為卿等釋之德裕等躍下階舞
蹈上召升坐歎曰服嗣位之際宰相何嘗比數李珣
李稜志在陳王嗣復弘逸志在安王陳王猶是文宗
遺意安王則專附楊妃鄒使安王得志朕那復有今
日德裕等曰茲事曖昧虛實難知遂追還二使更貶
嗣復等

夏六月詔羣臣言事毋得乞留中

詔臣下言人罪惡並應請付御史臺按問毋得乞留

中以杜讒邪

其後上復謂宰相曰文宗好聽外議諫官言事多不著名有如匿名書李德裕

曰臣頃在中書文宗猶不爾此乃李訓鄭注教文宗以術御下遂成此風人主但當推誠任人有欺罔者威以明刑孰敢戕上善之

上受法錄于趙歸真

拾遺王哲切諫坐貶

秋九月詔河東振武備回鶻

先是回鶻諸部奉烏介特勒為可汗及是天德軍使

田牟

布之弟

欲擊回鶻以求功奏稱回鶻數將唃沒斯

等侵逼塞下請自出兵驅逐上命朝臣議之議者以
為擊之便李德裕曰窮鳥入懷猶當活之況回鶻屢
建大功今為鄰國所敗遠依天子未嘗犯塞柰何乘
其困而擊之宜遣使者鎮撫賜以糧食此漢宣帝所
以服呼韓邪也上問德裕唃沒斯降可保信乎對曰
朝中之人臣不敢保况敢保數千里外戎狄之心乎
然唃沒斯自去年九月至天德今年二月烏介始立

自無君臣之分豈可謂之叛將願且詔河東振武嚴

兵保境以備之仍詔田牟毋得邀功生事從之

已而
嗚沒

斯誘殺赤心擊走那頡噶率所部來降詔以嗚沒斯
為懷化郡王賜姓李氏名思忠以其所部為歸義軍

赤心那頡

噶俱見上

盧龍軍亂冬十月雄武軍使張仲武

范陽人

討平之詔以

仲武知留後

初盧龍軍亂殺節度使史元忠推牙將陳行泰主留
務表求節鉞李德裕曰河朔事勢臣所熟諳比來朝

廷遣使太速故軍情遂固若置之數月不問必自生
變今請勿遣使以觀之既而軍中果殺行泰立張絳
復求節鉞朝廷亦不問雄武軍使張仲武起兵擊絳
且遣軍吏吳仲舒表奏以聞

詔宰相問狀仲舒言行泰絳皆遊客故人心不

附仲武幽州舊將性忠義通書習事人心向之計今軍中已逐絳矣李德裕問雄武士卒幾何對曰軍士土團合千餘人德裕曰兵少何以立功對曰在得人
心不在兵多德裕又問萬一不克如何對曰幽州糧食皆在媯州及北邊七鎮萬一不能入則據居庸關絕其糧道幽州自困矣
七鎮唐書地理志檀州有大下北來保要鹿固亦城遼虜石子航七鎮居庸關亦曰軍都關在京順天府昌平州西北即呂氏春秋

九塞之一

于是李德裕奏行泰絳皆使大將上表脇朝廷

邀節鉞故不可與今仲武表請討亂與之有名乃以

仲武知盧龍留後仲武尋克幽州

已而以仲武為盧龍節度使

十二月遣使慰問太和公主

公主下嫁回鶻事具前

回鶻烏介可

汗先是黠戛斯自謂李拔之後與唐同姓既破回鶻

得太和公主遣達干十人奉以歸唐時朝廷未之知

李德裕請遣使齎詔詣愾沒斯訪問公主所在從之

及是回鶻烏介可汗引兵邀擊黠戛斯達干殺之却

公主南渡磧屯天德軍境上公主遣使上表為可汗
求冊命烏介又使其相上表借振武一城以居上乃
遣使慰問賑米二萬斛上賜烏介可汗敕書喻以宜
率部衆漸復舊疆漂寓塞垣
殊非良計借城未有此比或欲但求聲援亦須且于
漠南駐止朕當許公主入覲親問事宜儻須接應必無
所吝尋遣使行冊命而烏
介屢擾邊境遂不果行

壬戌二年春二月以李紳同平章事

先是崔郾罷為西川節度使及是紳由淮南入朝遂相
唐遂以柳公權為太子詹事

散騎常侍柳公權素與李德裕善崔珙奏為集賢學士德裕以恩非已出因事左遷之

三月以劉沔為河東節度使

初上以回鶻近塞遣兵部侍郎李拭廊之子巡邊察將

帥能否拭還稱沔有威畧可任大事遂以沔鎮河東

夏四月羣臣上尊號

上信任李德裕仇士良惡之會上受尊號將御樓宣敕士良揚言于衆曰宰相與度支議減禁軍衣糧芻

粟如此則軍士必于樓前誼譁德裕聞之自訴于上
上怒遽遣中使宣諭兩軍初無此事且赦出朕意非
由宰相士良乃惶愧稱謝

秋七月以李讓夷

字達心
隴西人

同平章事

陳夷行罷遂以讓夷同平章事

八月回鶻入寇詔諸道出兵禦之

先是屢詔烏介可汗帥衆北還烏介不奉詔至是突

入大同川

注見前

驅掠河東雜虜牛馬數萬轉鬪至雲

州唐置今山西大同府是

詔諸州發兵俟來春討之

九月以白敏中

字用晦居易從弟

為翰林學士

上聞白居易名欲相之以問德裕德裕素惡居易乃言居易病衰不任朝謁其從弟敏中辭學不減居易且有器識故有是命

冬十一月以高少逸

渤海人

為給事中鄭朗

字有融潭之弟

為諫

議大夫

初上頗好畋獵及武戲五坊小兒賞賜甚厚嘗謁太

后從容問為天子之道太后勸以納諫上退閱諫疏
多以遊獵為言自是出畋稍希五坊無復橫賜至是
復幸涇陽校獵諫官高少逸鄭朗諫曰陛下比來遊
畋稍頻出城太遠侵星夜歸萬幾曠廢上改容謝之
謂宰相曰本置諫官使之論事朕欲時時聞之宰相皆
賀乃遞遷以賞之

吐蕃達磨贊普死

初達磨贊普有佞幸之臣

史闕其名

以為相達磨卒無子

佞相立其妃絳氏兄子乞離胡纔三歲首相結都邪
見之不拜曰贊普宗族甚多而立絳氏子國人誰服
其令鬼神誰饗其祀國必亡矣因拔刀務面慟哭而
出佞相殺之國人憤怒其將論恐熱悍忍多詐以誅
絳妃佞相為名舉兵大破其國兵有衆十餘萬

癸亥三年春正月劉沔大破回鶻迎太和公主以歸

回鶻烏介可汗侵逼振武劉沔遣石雄

徐州人

帥沙陀

朱邪赤心

執宜子後賜姓
名曰李嗣昌

三部襲其牙帳沔自以大

軍繼之雄至振武登城望回鶻見羶車數十乘從者

類華人使諜問之曰公主帳也雄使諜告之曰公主

至此當求歸路今將出兵擊可汗請公主駐車勿動

雄乃鑿城為十餘穴引兵夜出直攻可汗牙帳可汗

大驚棄輜重走雄追擊大破之于殺虎山即黑山今在歸化城

界可汗被創遁去保黑車子族室韋別種在突厥北善作車帳故以為號

雄迎公主以歸已而公主至京師召宰相百官迎謁公主詣光順門去盛服脫簪珥謝和

親無狀之罪上遣中使慰諭然後入宮

二月甲申朔日食

三月以太僕卿趙蕃為安撫點憂斯使

先是點憂斯遣使獻名馬二詔太僕卿趙蕃飲勞之

上欲令蕃就求安西北庭李德裕等言安西去京師
七千餘里北庭五千餘里借使得之當復置都護戍
兵萬人不知此兵于何處追發儲運從何道
得通此乃用實費以易虛名非計也上乃止點憂斯

求冊命上恐其不修臣禮復求歲遺及賣馬李德裕曰

回鶻有平安史之功故有歲賜和市點憂斯未嘗有

功于中國豈敢遽求賂遺若慮其不臣當與之約必

人君居中馭外
尊卑之分本自
秩然而系遠大
維維在德懷威
德懷以文字
字亦未矣
况遠再苗裔傳
會更離尤失教
命之體且即所
稱北平太守亦
有何足貴德祿
顯耀又離且自
謂能使異域奉
約執禮而立言
謀漢若此豈非
千古笑資

稱臣叙同姓執子孫禮乃行冊命上以為然乃以趙

蕃為安撫使命德裕草書賜之曰貞觀中黠戛斯先

君身自入朝朝貢不絕回鶻陵虐諸蕃可汗能復讐

雪怨茂功壯節近古無儔今其殘兵不滿千人須盡

殲夷勿留餘燼又聞可汗與我同族國家承北平太守

謂李謂李之後可汗乃都尉謂李苗裔以此合族尊卑可

知今欲冊命可汗且遣趙蕃喻意自回鶻至塞上及

詔敕上多命德裕草之德裕請委翰林
上曰學士不能盡人意須卿自為之

贈悉怛謀石衛將軍

李德裕追論維州悉怛謀事

上言維州據高山絕頂三面臨江在戎虜平川

之衝是漢地入兵之路初河隴盡沒惟此獨存吐蕃潛以婦人嫁此州門者三十年後兩男長成竊開壘門引兵夜入遂為所陷號曰無憂城從此憑陵近甸肝食累朝臣到西蜀外揚國威中緝邊備維州熟臣信令空壁來歸南蠻震懾山西八國皆願內屬可減八處鎮兵坐收千餘里舊地且維州未降前一年吐蕃猶圍魯州宣顧盟約當時不與臣者望風疾臣詔執送悉怛謀等令彼自戮臣累表陳論答詔嚴切竟令執還蕃帥即以此降人戮于境上絕忠款之路快克虐之情乞追獎忠魂各加褒贈

曾州河曲六胡

州之一在宥州西

故有是命

夏四月李德裕乞罷不許

德裕乞開局上曰卿每辭位使我旬日不得所今大事皆未就卿豈可求去

昭義節度使劉從諫卒其子鎮自為留後詔諸道發兵討之

初從諫累表言仇士良罪惡遂與朝廷相猜恨及疾病與幕客張谷等謀效河北諸鎮以弟之子鎮為都知兵馬使至是卒鎮秘不發喪逼監軍崔士康奏稱

從諫疾病請命其子稹為留後上謀于宰相多以為
回鶻餘燼未滅復討澤潞國力不支李德裕獨曰澤
潞事體與河朔三鎮不同河朔習亂已久人心難化
是故累朝以來置之度外澤潞近處腹心一軍素稱
忠義知李抱真成立此軍德宗猶不許承襲敬宗不
恤國務宰相又無遠畧劉悟之死因授從諫使其跋
扈垂死之際復以兵權擅付豎子若又因而授之則
諸鎮誰不思效其所為天子威令不復行矣上曰卿

以何術制之果可克否對曰鎮所恃者三鎮但得鎮魏
不與之同則鎮無能為也若遣重臣往諭王元逵何
弘敬以河朔傳襲已成故事與澤潞不同今將加兵
澤潞不欲更出禁軍其山東三州

謂邢
洛磁

委兩鎮攻之

賊平之日將士並厚加官賞苟兩鎮聽命不從旁沮
撓官軍則鎮必成擒矣上喜曰吾與德裕同之保無

後悔遂決意討鎮命德裕草詔賜元逵弘敬

畧曰澤
潞鎮與

卿事體不同勿為子孫之謀欲存輔車之勢但能顯
立功效自然福及後昆上稱其語切要曰當如此直

告之也 又賜張仲武詔令專禦回鶻元達弘敬得詔悚

息聽命先是崔士康表至上遣供奉官薛士幹往諭
從諫使就東都療疾遣稹入朝士幹入境不問從諫
之疾直為已知其死者都押牙郭誼兗州人等大出兵

迎之請用河朔事體遂扶稹出見將士發喪不受敕

命

德裕又以議者多言劉悟有功稹未可誅請下
百官議上曰悟迫于救死耳非素心徇國也藉使

有功父子為將相二十餘年國家報之足矣稹何得
復自立朕以為凡有功當顯賞有罪亦不可苟免也

于是制削奪從諫及稹官爵以王元逵何弘敬為招

冊命達則軍情
固征討達則軍
備修武宗於盧
龍之遣使則達
之澤潞之用兵
則達之舉措一
中竅會而功即
成可以見審機
慎動之要

討使與河東節度使劉沔河陽節度使王茂元

子栢曜

合力攻討

先是河北諸鎮有自立者朝廷必先有弔祭使冊贈使宣慰使繼往商度然後用兵

故常及半歲軍中得以為備至是宰相亦欲遣使上即下詔討之元達受詔即日出師屯趙州詔以李彥佐為晉絳行營招討使

五月以崔鉉

字台碩元畧子

同平章事

上夜召學士韋琮

字禮玉萬年人

以鉉名授之令草制宰相

樞密皆不之知時樞密使劉行深楊欽義皆愿慙不

敢預事老宦者尤之曰此由楊劉懦怯墮敗舊風故

士良數語足盡
目古刑餘蠱惑
儀炳然前此文
宗甘心受制漢
可知何至武宗
雖外示尊寵而
不得不自乞罷
退蓋信靖亂之
小惟在取以英
斷而權不下移
史無餘事也

也

築望仙觀于禁中

六月內侍監仇士良致仕

上外尊寵士良內實忌之士良頗覺遂以老病致仕
其黨送歸私第士良教之曰天子不可令閑常宜以
奢靡娛其耳目使日新月盛無暇更及他事然後吾
輩可以得志慎勿使之讀書親近儒生彼見前代興
亡心知憂懼則吾輩踈斥矣其黨拜謝而去

吐蕃論恐熱攻尚婢婢

姓沒盧名贊心牙羊同國人

于鄯州

本唐地沒于吐

蕃

吐蕃鄯州節度使尚婢婢好讀書不樂仕進國人敬
之年四十餘曩泰贊普彊起之使鎮鄯州婢婢寬厚
沈勇有謀畧論恐熱謀篡國恐婢婢襲其後舉兵擊
之婢婢謂其下曰恐熱之來以我為不足屠也不如
迎伏以驕之然後可圖也乃遣使犒師且致書深自
卑屈恐熱喜曰婢婢惟把書卷安知用兵待吾得國

當位以宰相坐之于家無所用也乃引兵歸婢婢笑

曰我國無主則歸大唐豈能事此犬鼠乎

已而婢婢擊恐熱單

騎走歸尋復擊婢婢又大敗于是婢婢傳檄河湟曰汝輩本唐人吐蕃無主則相與歸唐無為恐熱所獲也

秋七月以盧鈞為昭義節度使

朝廷以鈞在襄陽有惠政得衆心故使領昭義以招懷之

遣御史中丞李回

字昭度新興王德良六世孫

宣慰河北三鎮

詔遣御史中丞李回宣慰河北令幽州早平回鵠鎮
魏早平澤潞回至河朔弘敬元逵仲武皆具橐鞬郊
迎立于道左不敢令人控馬讓制使先行自興兵以
來未之有也回明辯有膽氣三鎮無不奉詔

以石雄為晉絳行營節度副使

李德裕言鄴日河朔用兵諸道利于出境仰給度支
或陰與賊通借一縣一柵據之自以為功坐食轉輸
延引歲時今請詔諸軍令王元逵取邢州何弘敬取

洺州王茂元取澤州李彥佐劉沔取潞州毋得取縣

上從之彥佐行甚緩德裕請賜詔切責仍以石雄為

副因以代之

已而雄代彥佐為節度使受代之明日即踰烏嶺破五寨上得捷書喜甚謂宰相曰

雄真良將德裕因言比年潞州市有男子磨折唱曰石雄七千人至矣劉從諫以為妖言斬之破路

州者必雄也詔賜雄帛雄悉買軍門自取一匹餘分將士故士卒樂為致死烏嶺山名在平陽府翼城

縣東北與澤州府沁縣接界

八月詔忠武節度使王宰

智興

趨磁州何弘敬拔肥鄉

三國魏縣今屬廣平府

平恩

漢縣故城在今廣平府曲周縣

先是王元逵擊敗昭義兵拔宣務柵

在今順德府唐山縣東北以宣

務山名

詔加元逵同平章事及是元逵前鋒入邢州境

已踰月何弘敬猶未出師元逵密表弘敬懷兩端李德裕言忠武累戰有功軍聲頗振王宰年力方壯謀畧可稱請詔宰將忠武全軍徑魏博抵磁州以分賊勢弘敬必懼此攻心伐謀之術也從之弘敬聞宰將至蒼黃出師拔肥鄉平恩殺傷甚衆上曰弘敬已拔兩縣可釋前疑既有殺傷雖欲持兩端不可得已

九月以王宰兼河陽行營攻討使

時劉稹使牙將薛茂卿攻陷河陽科斗塞

亦曰科斗店在天井

關南天井關注見前

會河陽節度使王茂元有疾李德裕請以

王宰為河陽行營攻討使使亟以軍援河陽兼可臨

制魏博從之茂元尋卒宰遂進克天井關

忠武軍素號精勇王

宰治軍嚴整賊甚憚之薛茂卿以科斗塞之功劉稹不加重賞怨稹密進款于宰宰引兵攻天井關茂卿小戰遽走遂克之茂卿入澤州遣謀告宰許為內應事覺為稹所殺

冬十月以劉沔為義成節度使李石為河東節度使

汧與張仲武有隙

汧破回鶻獨迎太和公主以歸故仲武疾之

朝廷恐其

以私憾敗事故徙之

甲子四年春正月河東都將楊弁作亂討平之

初河東行營兵馬使王逢

沛之子

奏乞益榆社

隋縣今屬山西

遼州兵詔河東以兵二千赴之時河東無兵李石台橫

水戍

在大同府西北

卒千五百人使楊弁將之詣逢舊制軍

士出征人給絹二匹劉汧之去

自河東徙義成

竭府庫以自

隨石初至軍用乏以已絹益之人纔得一匹時已歲

盡軍士求過正旦而行監軍呂義忠趣之弁遂作亂
石奔汾州弁據軍府使其侄詣劉鎮約為兄弟朝議
喧然言兩地皆應罷兵李德裕上言太原人心從來
忠順止是貧虛賞犒不足況千五百人何能為必不
可縱且用兵未罷深慮所在動心望詔李石還赴太
原名兵討亂上從之詔王逢留太原兵守榆社以易
定汴充兵還討弁

又遣中使馬元實至太原曉諭且
現之元實受弁賂還于眾中大言

相公頃早與之節德裕曰何故元實曰自牙門至柳
子列十五里曳地光明甲若之何取之德裕曰李相

正以無兵故發橫水兵赴榆社并何能遽至如此之
衆乎元賓曰台募所致耳德裕曰台募須有貨財李
相止以欠軍士絹一匹故致此亂并何從得之元賓
辭屈德裕曰縱其有十五里光明甲必須殺此賊

柳子即柳林在太原府太原縣東南

河東兵戍榆社者聞朝廷令客軍

取太原恐妻孥為所屠滅乃擁監軍呂義忠自取太
原擒揚弁盡誅亂卒送并京都并其黨斬之

三月甲寅朔日食

以劉沔為河陽節度使

李德裕言于上曰事固有激發而成功者陛下命王

宰趣磁州而何弘敬出師遣客軍討太原而戍卒先
取楊弁今王宰久不進軍請徙劉沔鎮河陽仍令以
義成精兵二千直抵萬善鎮名在懷慶府河內縣北處宰肘腋下
若宰識此意必不敢淹留若宰進軍沔以重兵在南
聲勢亦壯上從之

以劉濛

字仁澤晏之孫

為巡邊使

朝廷以回鶻衰微吐蕃內亂議復河湟四鎮

即西安四鎮見

前

十八州

謂秦原河渭蘭鄯階成洮岷臨邛壘宕甘涼瓜沙十八州

乃遣給事中

歸真之不宜親
近德裕對切言
之乃武宗溺而
不悟自謂不為
所惑夫談道終
煩已進艱業萬
幾之義未幾而
學士除拜寵待

劉濛巡邊使先備器械糗糧令天德振武河東訓卒
礪兵以俟今秋

以趙歸真為道門教授先生

上好神仙歸真得幸李德裕諫曰歸真敬宗朝罪人
不宜親近上曰朕宮中無事時與之談道滌煩耳至
于政事朕必問卿等與次對官雖百歸真不能惑也
德裕曰小人見勢所在則奔趣之旬日以來歸真之
門車馬輻輳願陛下深戒之

過優則至就餌
金丹說稱換骨
押噫道流之害
更不止妨及政
事已也

夏六月減州縣冗員

李德裕以州縣佐官太冗奏令吏部郎中柳仲郢字

諭

蒙公
綽子裁減凡一千二百一十四員

詔削仇士良官爵籍沒家貲

宦官有發士良宿惡于其家得兵仗數千故有是命
秋七月以杜悰同平章事

上聞楊州倡女善為酒令敕監軍選而獻之監軍請
節度使杜悰不從監軍怒表其狀左右請救悰同選

上曰敕藩方選倡女入宮豈聖天子所為杜悰得大
臣體朕甚愧之遽敕勿選召悰入相勞之曰卿不從
監軍之言朕知卿致君之心今相卿如得一魏徵矣

悰既相李紳罷
為淮南節度使

八月邢洺磁三州降郭誼斬劉稹以降

稹少年懦弱押牙王協兵馬使李士貴用事專聚貨
財府庫充溢而將士有功無賞由是人心離怨邢州
將裴問請降于王元逵洺州守將王釗磁州守將安

王請降于何弘敬李德裕曰昭義根本盡在山東三州降則上黨不日有變矣上曰郭誼必梟劉稹以自贖德裕曰誠如聖料上曰于今所宜先處者何事德裕曰萬一鎮魏請占三州朝廷難于可否請以給事

中盧弘止

字子彊蒲州人

為三州留後上從之并詔盧鈞乘

驛赴鎮

鈞先領昭義節度

路人聞三州降大懼郭誼與正協

謀使人說稹以兵授誼束身歸朝稹許之誼遂殺稹滅其族函首遣使奉表降于王宰宰以狀聞宰相入

賀上曰郭誼宜如何處之德裕對曰劉稹驍孺子耳
阻兵拒命皆誼為之欺主及勢孤力屈又賣稹以求
賞此而不誅何以懲惡宜及諸軍在境并誼等誅之
上曰朕意亦以為然乃詔石雄將七千人入潞州以
應謠言

事見前

昭義五州給復一年諸道將士等級加

賞雄至潞州盡執誼等送京師皆斬之

盧鈞素寬厚愛人及是赴

鎮散卒歸之者皆厚撫
之人情大洽昭義遂安

加李德裕太尉賜爵衛國公

加李德裕太尉衛國公德裕辭上曰恨無官賞卿耳
初德裕以比年將帥出征屢敗其弊有三一者詔令
下軍前者日有三四宰相多不預聞二者監軍各以
意見指揮軍事將帥不得專進退三者每軍各有宦
者為監使悉選軍中驍勇數百為牙隊其在陳戰鬥
者皆怯弱之士每戰視事勢小却輒引旗先走陳從
而潰德裕乃與樞密使楊欽義劉行深議約勅監軍
不得預軍政每兵千人聽取十人自衛有功隨例霑

賈二樞密皆以為然白上行之自禦回鶻至澤潞罷
兵皆守此制自非中書所覃詔更無他詔自中出者
號令既簡將帥得以施其謀畧故所向有功元和後
數用兵宰相或不休沐或繼火乃得罷德裕從容裁
決率午漏下還第休沐輒如令沛然若無事時

河北三鎮

每遣使者至京師德裕常面諭之曰河北兵力雖強
不能自立須藉朝廷官爵威命以安軍情歸語汝使
與其使大將邀敕使以求官爵何如自奮忠義立
功立事結知明主乎由是而三鎮不敢有異志

冬十一月貶牛僧孺為循州長史流李宗閔于封川

五年春羣臣上尊號

李德裕等請上尊號上不受五上表乃許

夏五月以李回同平章事

杜棕崔鉉罷回以戶侍郎同平章事判戶部如故

秋七月丙午朔日食

詔毀天下佛寺僧尼並勒歸俗

上惡僧尼耗蠹天下欲去之道士趙歸真等復勸之

乃先毀山野招提

有常住之寺

蘭若

釋氏靜室

至是敕上都東

都各留二寺每寺留僧三十人天下節鎮各留一寺
寺分三等留僧有差餘僧及尼並勒歸俗寺皆立期
毀撤仍遣御史分道督之財貨田產並沒入官寺材
以葺公廨驛舍銅像鐘磬以鑄錢凡天下所毀寺四
千六百餘區招提蘭若四萬餘區歸俗僧尼二十六
萬五百人收良田數千萬頃奴婢十五萬人

九月置備邊庫

李德裕請置備邊庫令戶部歲入錢帛十二萬緡匹

度支鹽鐵歲入錢帛十三萬緡匹明年減其三分之一
凡諸道所運助軍財貨皆入焉以度支郎中判之
冬十月以衡山道士劉元靜為崇元館學士

元靜固辭還山許之

十二月貶給事中韋弘質官

劉友益曰不言所貶之官
史失之也失之而書病德

也裕

李德裕秉政日久好狷愛僧人多怨之左右言其太
專上亦不悅給事中韋弘質上疎言宰相權重不應

更領三司錢穀德裕奏曰制置職業人主之柄弘質受人教道所謂賤人圖柄臣非所宜言弘質貶官由是衆怒愈甚

詔罷來年正旦朝會

初上餌方士金丹性加躁急喜怒不常問李德裕以外事對曰陛下威斷不測外人頗驚懼天下既平願陛下以寬理之使得罪者無怨為善者不驚則天下幸甚上自秋來已覺有疾而道士以為換骨至是詔

罷正旦朝會

丙寅六年春三月帝崩光王忱

本名怡憲宗子帝之叔

即位

是為宣宗綱

目作立光王忱為皇太叔帝崩太叔即位徐昭文考證曰武宗疾篤旬日不言宦官定策禁中立光王忱為皇太叔是忱之立非由武宗乃宦官也且太叔之號于古無之考周懿王崩父共王弟辟方立是為孝王當依此例據事直書曰帝崩光王忱即位以著藩王入承大統之義而去宦官所定不正之名今從之

上疾久未平以為唐土德不可以王氣勝君名

上名灋灋

旁從水土所勝也

乃改名炎初憲宗納李錡妾鄭氏生光王

怡幼時宮中皆以為不慧太和之後益自韜匿羣居

遊處未嘗發言文宗好誘其言以為戲笑上性豪邁
尤所不禮及上疾篤旬日不能言諸宦官密于楚中
定策下詔以皇子幼冲立怡為皇太叔更名忱令權
勾當軍國政事太叔見百官哀戚滿容裁決庶務咸
當于理人始知有隱德焉上崩以李德裕攝冢宰太
叔即位德裕奉冊既罷上宣宗謂左右曰適近我者非
尉邪每顧我使我毛髮灑淅

夏四月尊母鄭氏為皇太后

李德裕罷為荆南節度使

德裕秉權日久位重有功衆不謂其遽罷聞之莫不

驚駭

德裕既罷遂以白敏中同平章事

趙歸真等伏誅

五月詔上京增置八寺復度僧尼

六月定太廟為九代十一室

復祀代宗以敬文武宗自為一代為九代十一室

而既

禘于太廟禮院奏祝文于穆敬文
武但稱嗣皇帝臣某昭告從之

秋七月回鶻弑烏介可汗

烏介之衆降散餒死所餘不及三千人其相弑之而

立其弟遏捻

遏捻哀殘部仰食于奚後張仲武擊奚破之遏捻走室韋餘衆為黠戛斯所虜

回鶻

其滅

八月葬端陵

在西安府三原縣東

賀善贊曰武宗天姿英果善屬賢相故能外降黠戛內平劉頊然雖知惡釋氏而仍信道流則亦未得為卓然者

以牛僧孺為衡州長史李宗閔為郴州司馬

僧孺宗閔及崔珙楊嗣復李珣等五相皆武宗所貶
逐至是同日本遷宗閔未行而卒

九月以李景讓

名後已
澄之孫

為浙西觀察使

景讓在浙西有牙將忤意杖之而斃軍中憤怒將為
變其母鄭氏聞之出坐聽事立景讓于庭而責之曰
天子付汝以方面豈得以國家刑法為喜怒之資而
妄殺無罪人乎萬一致一方不寧豈惟上負朝廷使
垂老之母銜羞入地何以見汝之先人哉命左右褫

其衣坐之將撻其背將佐皆為之請久乃釋之軍中

遂安

鄭氏性嚴明早寡家貧子幼每自教之宅後墻

陷得錢盈船母祝之曰吾聞無勞而獲身之災也天必以先君餘慶矜其貧而賜之則願諸孤學問有成此不敢取遂命掩而築之景讓宦達髮已斑白小有過不免捶楚


冬十月帝受三洞法錄于道士劉元靜

十二月戊辰朔日食

欽定四庫全書

卷六十一

御批歷代通鑑輯覽卷六十一



總校官候補中允臣王燕緒

校對官編修臣吳舒帷

謄錄監生臣李邦燮

欽定四庫全書薈要

史部

御批歷代通鑑輯覽卷六十二



詳校官候補通政司經歷臣郭祚熾

欽定四庫全書薈要卷七千五百十五

御批歷代通鑑輯覽卷六十二

唐

皇帝

中元年春正月赦天下改元

二月旱

上以旱故減膳徹樂出宮女縱鷹隼止營繕命同平

章事盧商

字為臣范陽人
帝即位初相

與御史中丞封敖

字碩夫
冀州人

人疎理京城繫囚大理卿馬植

字存之扶風人

奏曰官典犯

賊及故殺人大赦所不免今因疎理而原之使貪吏

無所懲畏死者銜冤無告恐非所以消旱災致和氣

也詔兩省議之諫議大夫張鷟等言所原死罪無冤

可雪宜如植奏詔從之以植為刑部侍郎

植素以文學政事有名于

時李德裕不之重及是白敏中秉政凡德裕所薄者皆不次用之

以李德裕為太子少保分司

初德裕引白敏中入翰林及德裕失勢敏中竭力排

大中務反會昌
之致論史者徒
以時相先後傾
軋宋室紹述紛
更有類乎此殊
不知宣宗未立
時久為武宗所
不禮而李德裕
擅權日久又扶
宸主之勢觀太
願我毛髮既漸

之使其黨訟德裕罪故有是命

閏月敕復廢寺

是時君臣務反會昌之政故僧尼之弊皆復其舊

積慶太后

文宗母居積慶殿故以是稱之

蕭氏崩

諡貞獻葬北陵側

夏六月以令狐綯

字子直楚之子

為考功郎中知制誥

上謂白敏中曰朕昔從憲宗之喪道遇風雨百官皆

散惟山陵使長而多髯攀靈駕不去誰也對曰令狐

楚上曰有子乎敏中以綯對且稱其有才器上即擢

數語與霍光等
乘何異則德裕
之取禍本其月
引取宣符同列
乃為排擠而宣
休猜忌寡恩之
人有不止於焉
以過正奇矣

李紳棄奏湘罪
人無迎合執政
一心及御史覆
金其寃德裕日

綯知制誥問以元和故事綯條對甚悉上悅遂有大
用之意

秋八月作雍和殿

上敦睦兄弟作雍和殿于十六宅數臨幸置酒作樂
擊毬盡歡諸王有疾常親至卧内存問憂形于色

冬十二月貶李德裕為潮州司馬

初淮南節度使李紳棄奏江都令吳湘賊罪

盜用官
錢強取

所部百當死湘武陵兄子也議者多言其寃詔御史
姓女

當平情詔言乃
竟以私意控殺
且罪反推劾之
人徇門戶而尋
威福并貶實罪
所當得系立素
為所斥乃以為
之訟白得名然
豈能欺有識者
哉

崔元藻

字袁華
武城人

李稠

晉江人

覆之與前獄異李德裕素

惡武陵貶元藻稠湘獄不復更推即如紳奏處死至

是湘兄汝納訟湘罪不至死為德裕所枉殺御史鞠

之奏狀如汝納言于是貶德裕潮州司馬

有丁未立者
方德裕來政

時或薦其清直可任諫官德裕不能用至是永
立為右補闕上疏訟德裕冤坐阿附貶南陽尉

再貶德裕崖州司戶

德裕竟卒
于貶所

戊辰二年春正月羣臣上尊號

二月以令孤綯為翰林學士

上嘗以太宗所撰金鏡

書名金鏡錄

授絢使讀之至亂未

嘗不任不肖治未嘗不任忠賢止之曰凡求致太平
當以此言為首又書貞觀政要于屏風每正色拱手
而讀之上欲知百官名數絢曰六品以下吏部注擬
五品以上政府制授各有籍名曰具員上命宰相作
具員御覽五卷寘于案上

作五王院

上欲作五王院以處王子之幼者召術士柴嶽明使

相其地獄明對曰臣庶遷徙不常故有禍福之說陰陽書本不言帝王家也上善其言賜以束帛

夏五月己未朔日食

以周墀馬植同平章事

初墀為義成節度使辟韋澳

字子斐賈之子

為判官及為

相謂澳曰何以相助澳曰願相公無權墀愕然澳曰

官賞刑罰與天下共其可否勿以己之愛憎喜怒移

之天下自理何權之有墀深然之

太阿不可割持
宰相安得有權
李唐末葉以後
威柄下移政府
擅竊成風恬不
為異難以固得
致立固守則語
尚爾陽其習俗

太皇太后郭氏暴崩于興慶宮

謚懿安葬景陵側

初憲宗之崩上疑郭太后預其謀又鄭太后本郭太后侍兒有宿怨故上即位待郭太后禮殊薄郭太后感怏怏一日登勤政樓欲自墮上聞之大怒是夕暴崩外人頗有異論上不欲以郭太后附葬憲宗有司請葬景陵外園禮院檢討官王皞奏宜合葬祔廟上大怒白敏中呂皞詰之皞曰太皇太后汾陽王之孫憲宗在東宮為正妃母天下歷五朝豈得以嬖

昧之事遽廢正嫡之禮乎敏中甚怒皞氣愈厲周墀

見之舉手加顙歎其孤直皞竟坐貶句容

漢縣今屬江寧府

令

後咸通中皞復為禮官仲前議乃始以太后配饗憲宗

冬十一月萬壽公主適起居郎鄭顥

綱之孫

顥以文雅著稱公主上之愛女故選尚之舊制以銀

裝車上曰吾欲以儉約化天下當自親者始令依外

命婦以銅裝車仍詔公主執婦禮皆如臣庶之法戒

以毋得輕天族預時事

顥弟嶺嘗得危疾上遣使視之還問公主何在曰在慈恩

寺觀戲塲上怒歎曰無怪士大夫家不欲與我家為
婚良有以也亟召公主責之曰豈有小郎病不往省
視乃觀戲乎由是貴戚
皆守禮法如衣冠之族

己巳
三年春正月以韋宙為御史

上與宰相論元和循吏孰為第一周墀曰臣嘗守土
江西聞觀察使韋丹功德被于八州沒四十年老穉
歌思如丹尚存詔史館修撰杜牧撰丹遺愛碑仍擢
其子宙為御史

夏四月周墀罷為東川節度使

王宰入朝以貨結貴倖求以使相領宣武周墀上疏
論之宰遂還鎮耐馬都尉韋讓求為京兆尹墀言京
兆尹非才望不可為讓議竟寢墀又諫上開邊忤旨
遂罷鄭顥言于上曰周穉以直言入相亦以直言罷
上深感悟加檢校右僕射

盧龍節度使張仲武卒

子直方為留後

直方尋授節度使暴忍喜遊獵軍中將作亂直方知之舉族逃歸京師軍

中相牙將周繡為留後明年繡卒軍人復立

張允仲為留後張允仲字逢昌范陽人

五月武寧軍亂逐其節度使李鄲

程子

詔以盧弘止代之

李鄲在鎮不治右補闕鄭魯上言其狀且曰臣恐新

麥未登徐師必亂速命良帥救此一方上未之省徐

州果亂逐鄲上思魯言擢為起居舍人以盧弘止為

節度使武寧士卒素驕有銀刀都

唐宋藩鎮親軍多謂之都銀刀注詳

後尤甚屢逐主帥弘止至鎮都虞侯胡慶方復謀作

亂弘止誅之撫循其餘訓以忠義軍府遂安

秋七月克復河湟

唐自肅代以後
河西隴古盡沒
吐蕃及是難因
蕃亂請降版籍
徒隸強藩而曰
稅未歸司計則
所云克復者亦
虛有其名而已

先是吐蕃三州

秦原安樂三州注俱見前

七關

石門驛藏制勝石峽木峽六盤嶺七

關俱在平涼府界

來降詔諸道皆出兵應接至是涇原節度

使康季榮取原州及六關靈武節度使朱叔明取安

樂州邠寧節度使張君緒取蕭關八月改安樂州為

威州河隴老幼千餘人詣關上御延喜門樓見之歡

呼舞躍解胡服襲冠帶詔募百姓墾闢三州七關土

田五年不收租稅將吏能為營田者官給牛及種糧

溫池

唐縣故城在今寧夏府靈州

鹽利

靈州有大小二鹽池

委度支制置

卒倍給衣糧二年一代餘沒蕃州縣亦令量力收復

是冬西川節度

使杜綜取維州

冬閏十一月加順宗憲宗諡號

宰相以克復河湟請上尊號上曰憲宗嘗有志復河
湟未遂而崩今乃克成先志耳其議加順憲二廟尊
號以昭功烈

庚午四年夏四月貶馬植為常州刺史

上之立也中尉馬元贇有力焉由是有寵植與之叙

宗族上賜元贄寶帶元贄以遺植植服之以朝上見而識之收其親吏鞠之盡得交通之狀故貶

冬十月以令狐綯同平章事

先是周墀既罷以崔鉉魏扶

字相之
並之孫

同平章事既而

馬植貶魏扶復卒于是崔龜從

字元告
武城人

及綯相繼為

相

龜從于是年
六月先相

未五年春二月以裴休為鹽鐵轉運使

自太和以來歲運江淮米不過四十萬斛吏卒侵盜

沈舟達渭倉者什不三四大墮劉宴之法休窮究其
弊立漕法十條歲運百二十萬斛

以李福

字能之
石之弟

為夏綏節度使

党項屢為邊患上頗知由邊帥利其羊馬數欺奪之
或妄誅殺虜不勝憤怒故反乃以右諫議大夫李福
節度夏綏自是繼選儒臣以代邊帥之貪暴者行日
復面加戒勵党項遂安

三月以白敏中充招討党項都統制置使

上以南山平夏党項

党項在銀夏以北居川澤者為平夏党項在安鹽以南居山谷

者為南山党項

久未平頗厭用兵崔鉉建議宜遣大臣鎮撫

乃以白敏中為制置使兼邠寧節度使軍于寧州定

遠城

注見前

使史元破党項九千餘帳敏中奏党項平

詔南山党項猶行鈔掠宜于銀夏境內授以閒田或

復入山林不受教令則誅討無赦若邊將貪鄙致其

怨叛當先罪邊將後討寇虜南山党項尋亦請降赦

之

制以党項既平罷敏中都統以平章事充邠寧節度使

夏五月吐蕃論恐熱入朝

先是恐熱擊尚婢婢遂掠河西

五千里間皆戎赤地

既而所部

以其殘虐多叛恐熱勢孤乃揚言曰吾今入朝借兵于唐來誅不服者至是入朝求為河渭節度使上不許召對遣還恐熱怏怏而去衆稍散纔有二百餘人

奔于鄜州

注見前

冬十月以魏謩同平章事

時上春秋已高太子未立羣臣莫敢言謩入謝因言

今海內無事惟未建儲副使正人輔導臣竊以為憂
且泣時人重之

十一月以張義潮

沙州人

為歸義節度使

先是義潮以沙州降

時吐蕃大亂義潮陰結豪傑一
旦帥衆被甲謀於州門唐人皆

應之吐蕃守將驚走義
潮遂攝州事奉表來降

發兵畧定其旁瓜伊西甘肅

蘭鄯河岷廊十州

瓜州唐置今安西
府是餘注俱見前

至是遣其兄義

澤奉圖籍入見於是河湟之地盡入于唐詔置歸義
軍於沙州以義潮鎮之

壬申六年春二月雞山

胡三省注在蓬果二州之界蓬果二州注俱見前

羣盜寇

大掠果州刺史王贄弘討平之

初蓬果羣盜依阻雞山寇掠三州

胡三省注渭東西川及山南西道

詔果州刺史王贄弘討之山南西道亦奏巴南妖賊

言辭悖慢上怒甚崔鉉曰此皆陛下赤子迫于饑寒

盜弄兵于谿谷間不足辱大軍但遣一使者可平矣

乃遣京兆尹少劉潼

字子固晏兄子

招諭之潼言今使羣賊

歸命其勢甚易所慮者武臣恥不戰之功議者責欲

速之效耳。潼至山中盜彎弓待之。潼直前曰：我面受
詔赦汝罪，使汝復為平人。汝真欲反，可射我。賊皆投
弓列拜，請降。潼歸館，而贄弘引兵已至山下，竟盡擊滅
之。

三月詔大將軍鄭光

丹陽人鄭太后之弟

賜莊免稅役，尋罷之。

敕先賜鄭光鄆縣等莊並免稅役。中書門下奏稅役
之法，天下皆同。鄭光獨免，似乖法意。敕曰：朕以鄭光
元舅，初不細思親戚之間人所難議。卿等苟非愛我

豈進嘉言庶事能盡如斯天下何憂不理有始有卒
當共守之並依所奏

夏六月以畢誠

字存之
從曾孫

為邠寧節度使

党項復擾邊上欲擇帥而難其人從容與翰林學士
畢誠論邊事誠援今據古具陳方畧上悅曰不意頗
牧近在禁庭卿其為朕行乎誠欣然奉命
既而誠北
諭党項平
之

閏月以盧鈞為河東節度使

河東節度使李業縱吏民侵掠雜虜由是北邊擾動

詔以鈞代之業內有所恃

謂恃官官

人莫敢言魏謩獨請

貶黜上不許鈞奏韋宙為副使遣詣塞下諭以禍福

禁其侵掠雜虜遂安

掌書記李瑋杖一牙職明日牙將百餘人訴于鈞鈞杖其為首

者謂戍外鎮曰邊鎮百餘人無故橫訴不可不抑也

李瑋字仲禮絳之子

秋八月以裴休同平章事

休既相上命休極言時事休請早建太子上曰若建太子則朕遂為閒人休由是不敢復言

冬十二月復禁私度僧尼

先是進士孫樵

字可之
關東人

上言百姓男耕女織不自溫

飽而羣僧安坐華屋美衣精饌率以十戶不能養一僧武宗憤其然髮十七萬僧是天下百七十萬戶始得蘇息也陛下即位以來復修廢寺度僧幾復其舊縱不能如武宗除積弊奈何興之于已廢乎願早降明詔罷之庶幾百姓猶得以息肩也至是中書門下奏度僧不精則戒法墮壞造寺無節則損費過多請

自今仍嚴禁私度僧尼從之

癸酉 七年冬十二月以鄭光為右羽林統軍

上事鄭太后甚謹不居別宮朝夕奉養鄭光鎮河中入朝上與論政光對鄙淺上不悅留為統軍太后數言其貧上輒厚賜金帛終不復任以民官

度支奏歲入之數

錢九百二十五萬緡內五百五十萬緡稅租八十二萬緡榷酤二百七十八萬餘緡鹽利

甲戌八年春正月丙戌朔日食罷元會

先是左補闕趙璘以日食請罷元會止御宣政宰相
曰天下無事元會大禮不可罷也上曰近華州有賊
關中少雪皆朕之憂何謂無事雖宣政亦不可御也

二月以牛叢

字表愚
僧孺子

為睦州刺史

中書門下奏諫官闕員請補上曰諫官要在舉職不
必人多如張道符牛叢趙璘輩數人使朕日間所未
聞足矣久之叢出為刺史入謝上賜之紫叢曰臣所

服緋刺史所借也上遽曰且賜緋上重惜服章有司
常具緋紫衣數襲從行以備賞賜或半歲不用其一
故當時以緋紫為榮

秋九月以高少逸為陝虢觀察使

有敕使過硤石

唐縣宋省茲城在今陝州

怒餅黑鞭驛吏見血少

逸以聞上責敕使謫配恭陵

其後上召翰林學士韋澳屏左右問之曰近日

宣宗于唐季世中尚可謂力拯
斷判者故大中
之初宦官不至
肆行便于其時
善為控馭盡罷
屏闥其柄何至
後有大和之變

內侍權勢如何對曰陛下威斷非前朝之比上問曰
搖首曰全未全未尚畏之在策將安出對曰若與外
廷議之恐有大和之變不若就其中擇有才識者與
之謀上曰此乃末策朕已試之矣自衣緋以下皆感

乃僅與一二侍
臣蓄日容嗟所
謂築室道謀事
何以濟且衣緋
衣紫于朝臣章
服尚爾斤斤而
官者則視同國
戚柄何由自
王乎

思饒衣紫則相與為一笑上又與令狐綯謀盡誅宦
官綯恐溢及無辜密奏曰但有罪勿捨有關勿補自
然漸耗至于盡矣宦官者竊見其奏由
是益與朝士相惡而北司如水大矣

冬十月以李行言為海州刺史

上臘于苑北遇樵夫問其縣曰涇陽令為誰曰李行言
為政如何曰性執有彊盜數人軍家謂北軍索之

竟不與盡殺之上歸帖其名于寢殿之柱尋除行言
刺史入謝上賜之金紫取柱帖示之

詔雪王涯賈餗等

上以甘露之變惟李訓鄭注當死餘人無罪詔雪其
冤

己亥九年春正月成德節度使王元逵卒軍中立其子紹

鼎為留後

紹鼎尋授節度使二年而卒軍中立其弟紹懿

二月以李君奭為懷州刺史

初上校獵渭上有父老十數聚于佛祠上問之對曰
醴泉百姓也縣令李君奭有異政考滿當罷詣府乞
留故此祈佛冀諧所願耳及懷州刺史闕上手筆除

君奭宰相莫之測君奭入謝上以此獎勵衆始知之
上聰明彊記天下奏獄吏卒姓名一覽皆記之度支
奏誤漬為清樞密承旨孫隱中足成之上恐推按諱
罰之嘗密令翰林學士韋澳纂次州縣境土風物及
諸利害為一書號曰處分語他日鄧州刺史薛弘宗
入謝出謂澳曰上處分本州事驚人澳
詢之皆處分語中事也 鄧州注見前

夏閏四月詔州縣作差科簿

詔以州縣差役不均自今每縣據人貧富及役輕重
作簿送刺史檢署訖鎖于令廳每有役事委令據簿
輪差

監軍理不應設
直撤之可耳乃
不懲掣肘之弊
而轉定失律并
坐之法是欲去
其權而反加之
權也非抱薪救
火而何

秋七月浙東軍亂逐觀察李訥

遜弟建之子

訥性卞急遇將卒不以禮故亂作事聞貶朗州

注見前

刺史杖監軍王宗景配恭陵仍詔自今戎臣失律并

坐監軍

崔鉉罷為淮南節度使

淮南饑民多流亡節度使杜悰荒于遊晏政事不治

上聞之罷悰以鉉代之

冬十一月以柳仲郢為鹽鐵轉運使

有醫工劉集交通禁中上敕鹽鐵補塲官仲郢上言
醫工術精宜補醫官若委務銅鹽何以課其殿最且
塲官賤品非特勅所宜親上遽賜絹遣之他日見仲
郢勞之日卿論劉集事甚佳

上嘗有疾醫工梁新治之良已自陳求官上不

許但一月給錢三十緡而已

丙子十年春正月以鄭朗同平章事

朗以御史大夫拜工部尚書同平章事

內園使李敬實遇朗不避

馬朗奏之上責張實對曰供奉官例不避上曰汝銜
敕命橫絕可也豈得私出而不避宰相乎命剝色配

南牙 橫絕謂橫度而過剝
色號其服色也南牙注見前

夏五月以韋澳為京兆尹

澳為人公直既視事豪貴斂手鄭光莊吏恣橫積年
租稅不入澳執而械之具奏其狀欲寘于法上曰鄭
光甚愛之何如對曰如此則是陛下之法獨行于貧
戶耳臣不能奉詔上曰然則痛杖而貸其死可乎澳
歸即杖之督租數百斛足乃釋

六月裴休罷

休屢以疾辭位遂罷為宣武節度使

冬十月以鄭顥為秘書監

顥營求作相甚切其父祗德聞之

祗德先為江西觀察使以顥尚主通

顥固求散地為太子賓客分司東都

與顥書曰聞汝已判戶部是吾必

死之年又聞欲求宰相是吾必死之日也顥懼表辭

劇務遂以為秘書監

十一月冊回鶻虓特勒為懷建可汗

先是詔以回鶻有功于國世為婚姻會昌姦臣遽加

殘滅近聞已厯歷

即厯特勒

今為可汗尚寓安西

四鵠前為照度

斯所虜道帳居山林間稍歸厯特勒特勒自稱可汗居甘州有磧西諸城

俟歸牙帳當加

冊命至是回鶻遣使入貢遣衛尉少卿王端章充使

冊拜可汗

端章在道為黑車子所塞不至而還後回鶻復要求冊命乾符初遣使詣其國會回

鶻為吐谷渾噠未所敗逃避不知所之遂還黑車子注見前噠未本吐蕃奴部論恐熟之亂瞞合數千

人居甘肅瓜沙間以噠未為號

詔議遷穆宗以下出太廟

吏部尚書李景讓上言穆宗乃陛下兄敬宗文宗武

宗乃兄之子陛下拜兄尚可拜侄可乎宜遷四主出太廟還代宗以下入廟詔百官議不決而止時人以是薄景讓

十二月以崔慎田

字敬止
融元孫

同平章事

上命相左右無知者前此令樞密宣旨以蕭鄴

字啓之梁

長沙王懿
九世孫

為相樞密使王歸長等覆奏鄴所判度支

應罷否上以為歸長等佑之即手書慎由名付學士院仍罷判度支

韋澳數語固足為貪名位者下流然為臣肯忘微日効冀時事可以日理方為不負特達之知乃沾沾以他岐之進恐啟他人之疑為說是特對甥曰炫名高世其所云造隙時事又誰見之誰待之

丁丑十一年春正月以韋澳為河陽節度使

澳嘗奏事上欲以澳判戶部以心力衰耗難處繁劇

為辭上不悅及歸其甥柳玘

仲郢子

尤之澳曰主上不

與宰輔僉議私欲用我人必謂我以他岐得之何以

自明且爾知時事浸不佳乎由吾曹貪名位所致耳

遂出鎮河陽

二月魏謩罷為西川節度使

上樂聞規諫凡諫官論事門下封駁苟合于理多屈

意從之

得大臣章疏必焚
者盥手而讀之

宰相議事上前他相或委

曲規諷魏謩獨正言無所避上每歎曰謩綽有祖風
我心重之然竟以剛直為令狐綯所忌而出之

秋七月以蕭鄴同平章事

魏謩既出鄴遂相尋罷判度支

流祝漢貞于天德軍

教坊使祝漢貞滑稽敏給寵冠諸優一日抵掌詼諧
頗及外事上正色謂曰我畜養爾曹止供戲笑耳乃

輒預朝政邪會其子坐賊流之

樂工羅程善琵琶有寵殺人繫獄衆工為

請曰程負陛下萬死然臣等惜其絕藝不復得奉宴遊矣上曰汝曹所惜者羅程藝朕所惜者高祖太宗

法竟
杖殺

冬十月遣使迎道士軒轅集于羅浮山

在惠州府博羅縣西北元和志

羅山之西有浮山蒼蓬萊之一阜浮海而至與羅山並體故曰羅浮

上好神仙迎軒轅集至長安問曰長生可學乎對曰

王者屏欲而崇德則自然受天遐福何處更求長生

留數月求還山乃遣之

戊寅

十二年春正月以王式

播弟起之子

為安南都護

式有才畧至安南樹芳

音木

為柵

徐昭文曰交趾有此木葉似青楊本

生而直木理堅韌如中國櫟木最耐久

深塹其外寇不能冒邊教士卒

甚銳頃之南蠻大至去城半日式意思安閒遣譯諭

之中有要害蠻夜引去都校羅行恭久專府政麾下

精兵二千都護中軍纔羸兵數百式杖而黥之

以劉瑒

字子全仁執五世孫

同平章事

瑒與崔慎由議政于上前慎由曰惟當甄別品流上

魏晉以來分別
流品致清濁混
清深為人心風
俗之害至唐而
其弊益章崔慎
田特欲援引陋
習為致理之資
無識甚矣

酬萬一瑑曰昔王夷甫祖尚浮華妄分流品致中原
邱墟今當脩名責實使百官各稱其職而遽以品流
為先臣未知致理之日慎由無以對

二月崔慎由罷

上欲御樓肆赦令狐綯曰御樓所費甚廣事須有名
且赦不可數上不悅曰遣朕于何得名慎由曰陛下
未建儲宮四海屬望若舉此禮雖郊祀亦可況於御
樓時上餽方士藥已覺蹊渥疑忌方深聞之俛首不

復言旬日慎由罷相

夏四月嶺南軍亂詔以李承勛

光弼之孫

為節度使討平之

嶺南都將王令寰作亂因節度使楊發

字至之素之裔

上命

李燧鎮嶺南已命中使賜之節給事中蕭倣

字思道俊從父

弟封還制書上方奏樂不暇別召中使使優人追之

節及燧門而返改授承勛討亂平之

以夏侯孜

字好學亳州人

同平章事

崔慎由既罷孜以兵部侍郎拜同平章事

五月同平章事劉瑑卒

瑑病篤猶手疏論事上甚惜之

六月蠻寇安南

初安南都護李泳

通鑑考異曰泳或作琢新書有李琢傳聰之子也不云曾為安南都

護疑作都護者別一李泳非琢也

為政貪暴疆市蠻中馬牛羣蠻怨

怒導南詔侵盜邊境自是安南始有蠻患

秋七月宣州軍亂逐觀察使鄭薰

先是湖南江西軍皆亂逐觀察使

湖南都將石載順等逐觀察使韓瑑

江西都將毛鶴等
巡觀察使鄭憲

及是宣州復亂

都將康全
奏作亂

右補闕

張潛上疏言諸鎮致亂之故

畧曰藩府代移之際皆
奏倉庫羨餘以為課績

朝廷因而甄獎夫藩府財賦所出有常苟非賦歛過
差及停廢將士減削衣糧則羨餘何從而致比來南
方諸鎮數有不寧皆此故也一朝有變所蓄之財悉
遭擄掠又發兵致討費用百倍然則朝廷竟有何利
乞自今藩府長吏不增賦歛不減糧賜獨
節遊宴省浮費能致羨餘者然後賞之
上嘉納之

已而崔鉉以淮南節度兼宣歙觀察使討亂軍平之
山南東道節度使徐商遣兵討平湖南韋宙為江西
觀察使以山南兵討平江西
徐商字義聲有功五世孫

河南北淮南大水

徐泗水深五丈流沒數萬家

冬十月以于延陵為建州

唐置今福建建寧府是

刺史

延陵入辭上曰建州去京師幾何對曰八千里上曰

卿到彼為政善惡朕皆知之勿謂其遠此階前則萬

里也卿知之乎延陵到官竟以不職貶

令狐綯擬李遠杭州刺史

上曰吾聞遠詩云長日惟消一局棋安能理人綯曰詩人記此為高興耳未必實然上曰且令往試觀之

上臨刺史母得外徙必令至京師面察其能否則後除之令狐綯嘗徙其故人為鄰州刺史便道之官上見謝表問綯對曰以其道乍近欲省送迎耳上曰朕以刺史多非其人為百姓害故欲一一訪問知其優

方以行黜陟而詔命既行直廢格不用宰相可謂有權時方寒綰汗透重裘上臨朝接對羣臣如賓客雖左右近習未嘗見其有惰容每宰相奏事旁無一人立者威嚴不可仰視奏事畢忽怡然曰可以閒語矣因問閭閻細事或談宮中遊宴無所不至一刻許復整容曰卿輩善為之朕常恐卿輩負朕後日不復得再相見乃起入宮令孤綰謂人曰吾十年秉政最深恩遇每延英奏事未嘗不汗沾衣也

李遠字求古

蜀人

十二月以蔣伸

字大直又之子

同平章事

伸從容言于上曰近日官頗易得人思徵倖上驚曰如此則亂矣對曰亂則未亂但徵倖者多亂亦非難

上稱歎再三伸起上三留之曰異日不復得獨對卿

矣

次對官獨對宰
相則同入對

伸不諭尋拜相

己卯

十三年夏四月以廣德公主適校書于琮

字禮用禮
用休烈曾

孫

初上欲以琮尚永福公主既而中寢宰相請其故上

曰朕近與此女子食對朕輒折七肋性情如是豈可

為士大夫妻乃更命琮尚廣德公主

二公主
皆帝女

武寧軍亂詔以田牟為節度使

武寧軍節度使康季榮不恤士卒士卒譟而逐之上以田牟嘗鎮徐州有能名復以為帥一方遂安

秋八月帝崩鄆王漼即位

是為懿宗

初上長子鄆王溫無寵愛第三子夔王滋欲以為嗣為其非次故久不建東宮上餌李元伯等藥疽發于背宰相不得見上密以夔王屬樞密使王歸長等三人使立之獨左軍中尉王宗實素不同心三人相與謀出宗實為淮南監軍宗實已授敕將出左軍副使

兀元實謂曰聖人不豫踰月今日除改未可辨也中尉何不一見聖人而出乎宗實悟復入至寢殿上已崩東首環泣矣宗實叱歸長等責以矯詔皆捧足乞命乃迎鄆王立為太子權勾當軍國政事更名淮取歸長等殺之太子即位

尊皇太后為太皇太后

冬十一月蕭鄴罷十二月以杜審權

字殷衡元
穎弟子

同平章

事令狐綯罷以白敏中同平章事

綯執政歲久忌勝已者中外側目其子瀉頤招權受賄宣宗崩言事者競攻其短至是罷復以敏中為相南詔僭號寇陷播州

初韋臯開清溪道以通羣蠻使入貢又選羣蠻子弟聚之成都教以書數以羈縻之既而軍府厭于廩給又蠻使入貢利于賜與所從僮人浸多杜棕奏減其數南詔豐祐怒入貢不時頗擾邊境祐死子酋龍立朝廷以名近元宗諱遂不行冊禮酋龍乃自稱皇

帝改國號大禮遣兵陷播州

懿宗皇帝

庚辰咸通元年春正月浙東賊裘甫

孫愐曰裘李仇氏因避仇改作裘

作

亂

初裘甫攻陷象山

唐縣今屬浙江寧波府

官軍屢敗觀察使鄭

祇德遣兵討之大敗甫遂陷剡縣

漢縣宋改曰嵊今屬紹興府

開

府庫募壯士衆至數千人時二浙久安人不習戰甲

兵朽鈍見卒不滿三百祇德更募新卒遣以擊賊又

大敗于是諸盜雲集衆至三萬小帥有謀畧者推劉

晁乎曠反勇力推劉慶劉從簡甫自稱天下都知兵馬

使改元曰維平聲震中原

葬貞陵在西安府涇陽縣西北

司馬氏光曰宣宗性明察沈斷用法無私從諫如流
重惜官賞恭謹節儉惠愛民物故大中之政託于唐

亡人思詠之
謂之小太宗

賀善贊曰宣宗勵精求治樂聞正言用人惟已往往
有可述者然嫡母以腹昧而不令終國本以貪吝而
不早建議者
每深病之

三月以王式為浙東觀察使發諸道兵討裘甫破之

鄭祗德累表告急朝廷議選將代之夏侯孜曰浙東

山海幽阻可以計取難以力攻西班中

唐制凡朝會文官班于東

武官班于西

無可語者王式雖儒家子前在安南有功可

任也乃以為浙東觀察使召入問以方畧對曰但得

兵賊必可破有宦官侍側曰發兵所費甚大式曰兵

多賊速破其費省矣若兵少不能勝延引歲月賊勢

益張江淮不通則上自九廟下及十軍

羽林龍武神武神威神策

各分左右為
北門十軍

皆無以供給其費豈可勝計哉上顧官

官曰當與之兵乃發諸道兵授之式至西陵

注見前

甫

遣使請降式曰是必欲窺吾所為且欲使吾驕怠耳

乃謂其使曰甫面縛以來當免而死式入越州送鄭

祇德樂飲而歸始修軍令

式命諸縣開倉廩以賑貧乏或曰軍食方急不可散

也式曰非汝所知或請為烽燧以訶賊式笑而不應選懦卒使乘健馬少給之兵以為候騎衆怪之不敢

問

于是閱諸營見卒及土團子弟得四千人使導諸

軍分路討賊令之曰毋爭險易毋焚廬舍毋殺平民

以增首級脇從者募降之得賊金帛官無所問自是

諸軍與賊十九戰賊連敗

先是式除書下裴甫聞之不樂劉晔曰宜急引兵取

越州憑城郭據府庫遣兵過大江掠揚州還修石頭城而守之宣歙江西必有響應者遣劉從簡以萬人循海而南襲取福建如此國家負賊之地盡入于我矣有進士王輅在賊中說甫曰劉副使謀乃孫權所為未易成也不如推眾據險陸耕海漁急則逃入海島此萬全策也甫猶豫不決及是戰敗晔曰曩從吾謀寧有此困邪收輅等進士數人悉斬之時

輅等皆衣綠鞋乃曰亂我謀者此青蟲也

式謂諸

將曰賊窘且餓必逃入海命羅銳軍海口以拒之賊皆棄船走山谷已復入剡式曰賊來就擒耳命趣諸

軍圍之賊城守甚堅三日凡八十三戰賊請降式曰賊欲少休耳益謹備之賊果復出又三戰官軍斷其

後遂擒之式斬晁等械甫送京師斬之諸將還越式大置酒諸將

王式當二浙積玩疲弊之後整頓戎行動中款會可謂不孤任使所論散給軍食不置烽燧二事不能發輜鈴所未及至以懦卒為候騎則不可為訓蓋偵候諸曰公之始至軍食方急而遽散之何也式曰此易知耳賊聚穀以誘餓人吾給之食則彼不為盜矣且如諸縣無守兵賊至則倉穀適止資之耳不置烽燧何也式曰烽燧所以起救兵也今兵盡行無以繼之徒驚士民使自潰亂耳使懦卒為候騎而少給安何也或曰彼勇卒操利兵遇敵且不量力而鬪鬪死則賊至不知矣皆拜先是上每以盜賊為憂夏侯攷曰王日非所及也

式才有餘不日告捷矣與式書曰公專以執裘甫為

雖不專於戰聞而深入敵境得悉情形以歸此宜需者所能辦且懦者若未見面日報張大其事以告豈不搖動軍心致倚事乎是雖偶中一時而不可為行軍成法也

事軍須

謂行軍所須

細大此期悉力

謂當盡力應辦

故式所奏無

不從由是能成其功

已而致罷相以畢誠同平章事

夏五月禁州縣稅外科率

左拾遺薛調言兵興以來賦歛無度所在羣盜半是

逃戶固須剪滅亦可閔傷望敕州縣稅外無得科率

從之

冬十月追復李德裕官爵贈左僕射

右拾遺劉鄴

字漢藩句客人

上言李德裕父子為相有聲迹

功效竄逐以來血屬將盡生涯已空宜賜哀憫贈以

一官從之

鄴父三復以文章受知于德裕歷官臺省故鄴言之

十二月南蠻引南詔攻陷交趾

考咸通初南詔再陷交趾一在是年一在四年

綱目于是年不載今依通鑑補輯

先是安南都護李鄴殺蠻酋杜守澄已而鄴越境收

取播州

大中十三年陷南詔非安南巡屬也

杜氏宗黨遂誘羣蠻導引

南詔乘虛攻交趾陷之鄴奔武州

唐書地理志邕管所領有武州後廢

省

明年鄴收集土兵擊羣蠻復取安南朝廷責鄴失

守坐貶以王寬為經畧使是秋蠻復攻陷邕州

初廣桂容

三道共發兵三千人戍邕三年一代經畧使段文楚請以三道衣糧自募土軍朝廷許之所募纔得五百人文楚入為金吾將軍李蒙代為經畧使利其闕額衣糧以自入悉罷遣三道戍卒止以所募兵戍守左右江比舊什減七八故蠻人乘虛入寇遂陷邕州邕州注見前左右江南寧江上源之左右江也明史地理志南寧府鬱江在城西南有左右二小江來自交趾界流合焉其合處曰合江鎮考左右江之名始于唐時蓋指南寧江上流之二江而言今則以南寧之大江為左江柳州之黔江為右江段文楚秀實孫

辛巳二年春正月白敏中罷以杜悰同平章事

一日兩樞密使詣中書宣徽使揚公慶繼至獨揖悰

用斜封誅諸宰臣其出涓人指

使不問可知
既悉其奸正當
延英面請以懲
不軌庶幾有裨
初政乃以中慰
樞密得不自憂
為言典顧慮手
滑者同一調停
伎倆此豈大臣
之體

出斜封文書以授悰發之乃宣宗大漸時宦官請鄣
王監國奏也曰當時宰相無名者當以反法處之悰
曰此非臣下所宜窺復封以授公慶曰主上欲罪宰
相當于延英面示聖旨明行誅譴公慶去悰謂兩樞
密曰內外之臣事猶一體今主上新踐祚未熟萬機
當以仁愛為先豈得遽贊成殺宰相事若習以性成久
則中尉樞密豈得不自憂乎既而事寢

是時士大夫
深疾宦官事

有小相涉則眾共棄之建州進士葉京嘗預宣武事
宴識監軍之面既而及第遇之于塗馬上相揖因之

謗議誼然遂沈廢終身其不相悅如此

秋九月以孟穆為南詔弔祭使

杜棕上言南詔彊盛西川兵食單寡未可輕與之絕且應遣使弔祭諭以新王名犯廟諱故未行冊命待其更名謝恩然後遣使庶全大體上從之會南詔寇雋州遂不行

壬三年春正月羣臣上尊號

二月南詔復寇交趾以蔡襲為經畧使發兵禦之

南詔復寇交趾經畧使王寬累表告急朝廷以龍代
之仍發許滑徐汴荆襄潭鄂等道兵合三萬人以授
襲兵勢既盛蠻遂引去

夏四月置戒壇度僧尼

上奉佛太過急于政事于禁中設講席自唱經手錄
梵夾又數幸諸寺施與無度吏部侍郎蕭倣上疏言

之畧曰元祖之道慈儉為先素王之風仁義為首垂
範百代必不可加佛之為道殊異于此非帝王所

宜慕也願陛下時開延英接對四輔力上不能從
求人瘼虔奉宗祧罷去講筵躬勤政事

五月分嶺南東西二道以韋宙蔡京為節度使

左庶子蔡京性貪虐多詐時相以為有吏才奏遣制

置嶺南事嶺南舊分五管廣桂邕容安南皆隸嶺南

蔡京奏請分為兩道以廣州為東道邕州為西道使

韋宙及京分領之蔡襲將諸道軍在安南蔡京忌之

恐其立功奏稱南蠻遠遁邊徼無虞請罷戍兵從之

襲累奏羣蠻伺隙不可無備乞留兵五千不聽襲作
十必死狀申中書時相信蔡京之言終不之省京為

政苛慘設炮烙之刑闔境怨之為軍士

所逐貶崖州司戶不肯之官賜死

秋七月徐州軍亂逐節度使溫璋子造之詔以王式代之

初王智興既得徐州募勇悍之士三千人以自衛號

刀雖旗門槍扶馬等七軍常金露刃坐兩廡夾幕之下其後節度使多儒臣其

兵浸驕小不如意一夫大呼其衆和之節度使即自

後門逃去田牟至與之雜坐飲酒犒賜日以萬計猶

時諠譁邀求不已牟卒璋代之驕兵素聞璋性嚴悍

之璋開懷慰撫而驕兵終猜忌竟聚譟而逐之時忠

武義成兩軍從王式討裘甫者猶在浙東詔式帥以

赴徐州驕兵益懼式至視事三日饗兩鎮將士遣

還既而擐甲執兵命圍驕兵盡殺之數千人皆死

改救

武寧為徐州團練使隸兗海以濠州歸淮南更置宿
泗觀蔡使留二千人守徐州餘皆分隸兗宿委式分
配將士赴諸道訖然後將兩道
兵至汴滑遣歸本道身詣京師

以夏侯孜同平章事

孜前出為西川節度使至是復相

癸四年春正月南詔陷交趾經畧使蔡襲死之

先是南詔率羣蠻寇交趾蔡襲告急救發荆湖桂管

兵赴之未至南詔已圍交趾襲嬰城固守至是城陷

襲左右皆盡徒步力戰身集十矢欲趣堅軍船船以離

岸遂溺海死

荆南將士四百餘人走至城東水際虞侯元惟德等謂衆曰吾輩無船入水則

死不若還與蠻鬪人以一身易二蠻亦為有利遂還向城縱兵殺蠻二千餘人而死南詔兩陷

交趾所殺虜且十五萬人留兵二萬使其將楊思縉

據交趾城谿洞夷僚皆降之詔諸道兵悉召還保

嶺南

上遊宴無節左拾遺劉兢上疏曰今西涼築城南蠻侵軼陛下不形憂憫何以責其死力弗聰

夏四月畢誠罷為兵部尚書

誠以同列多徇私不法稱疾辭位

以康承訓

字敬辭
日知錄

為嶺南西道節度使

先是蔡京既誅以鄭愚節度嶺南西道既而蠻寇左右江侵逼邕州愚懼自言儒臣無將畧請任武臣詔以承訓代之

五月以楊收

字藏之
發之弟

同平章事

收與中尉楊元价叙宗相結故得為相

閏六月以曹確

字剛中
河南人

同平章事

杜審權杜悰相繼罷

審權為鎮海節度使悰為鳳翔節度使

確以兵部

侍郎同平章事

秋七月辛卯朔日食

八月以閣門使

內官掌會贊引

吳德應為館驛使

臺諫上言故事御史巡驛不應忽以內臣代之上諭以敕命已行不可復改左拾遺劉蛻上言自古明君所尚者從諫如流豈有已行而不改且敕自陛下出之自陛下改之何為不可弗聽

卅五年春正月賊起居郎張雲為興元少尹左拾遺劉蛻
為華陰令

初詔以令狐滈為左拾遺蛻上言滈專家無子弟之
法布衣行公相之權雲復言滈父絢用李涿為安南
致南蠻至今為梗由滈納賄陷父于惡絢執政時人
號滈白衣宰相滈亦引避乃改詹事府司直
東宮官
扶正七
品至是絢為其子訟寃于是雲蛻皆坐貶

三月彗星出

彗出于婁

婁三星
音分野

長三尺司天監

掌天文
秩三品

奏按星經

是名含譽瑞星也

音書天文志瑞星三日含
譽光曜如彗喜則含譽射

上大喜

于是羣臣請宣示中外編諸史策從之

幸災者謂之彗
貢諛者謂之含
譽由是觀之則
其為休為咎固
已無定然世之
治典不治在政
之得失休咎不
凡謂咎之應慎
之于其未見及
其既見不已晚
乎

夏四月南詔寇邕州官軍敗沒加康承訓檢校右僕射

承訓至邕州不設斥候南詔帥六萬人將入境承訓

遣六道兵凡萬人拒之敵至不設備五道八千人皆

沒惟天平軍後至得免承訓不知所為副使李行素

帥衆治濠柵甫畢蠻軍已合圍諸將請夜分道研蠻

承訓先事無料敵之智臨事無應交之材賴天平小校力爭出奇致勝顧胃功掠美親睹登臨膺爵賞而首庸轉不晉一階其何以使軍士奮勇效命然彼時懿宗獨何為者哉

營承訓不許有天平小校再三力爭乃許之將勇士三百夜縋而出散燒蠻營斬五百餘級蠻大驚解圍去承訓騰奏告捷中外皆賀加承訓檢校右僕射子弟親昵皆奏功受賞燒營小校不遷一級由是軍中怨怒聲流道路

秋七月以康承訓為將軍分司高駢

字千里崇文孫

為嶺南西

道節度使

韋宙具知承訓所為以書白宰相乃罷承訓而以張

茵代之茵不敢進夏侯孜薦驍衛將軍高駢代之駢頗讀書好談今古兩軍宦官多譽之

冬十一月夏侯孜罷以路巖

字魯瞻魏州冠氏人

同平章事

孜復出為河東節度使巖以兵部侍郎同平章事時年三十六

酉_己六年春正月以杜宣猷為宣歙觀察使

宦官多閩人宣猷先為福建觀察使每寒食遣吏分祭其先壟宦官德之故有是命時人謂之敕使墓戶

冬十二月太皇太后鄭氏崩

謚孝明葬景陵之側祔于別廟

成^丙七年春三月成德節度使王紹懿卒

紹懿在鎮十年為政寬簡軍民便之疾病召兄子景崇告之曰吾兄以汝之幼以軍政授我今汝長矣我復以歸汝努力為之上忠朝廷下和隣藩勿墜吾兄之言竟而卒既而朝廷以景崇為留後

夏六月魏博節度使何弘敬卒

其子全暉為留後

高駢大破南詔蠻復取交趾

先是高駢治兵于海門未進監軍李維周惡駢欲去

之屢趣駢進軍駢以五千人先濟約維周發兵進援

駢既行維周擁餘衆不發駢至南定

漢日南郡峯州

唐置漢麓

令縣地

蠻衆近五萬方獲田駢掩擊大

破之取其所獲以食軍進擊南詔屢破之捷

奏至海門維周皆匿之奏駢統軍不進上怒

召駢詣闕以王晏懼

智興子

代之是月駢復大

破南詔殺獲甚衆遂圍交趾城十餘日

蠻困感甚城且下會得王晏權牒即以軍事援監軍
韋仲宰與麾下百餘人北歸先是駢遣小校曾哀入
告交趾之捷至海中望見旌旗東來云新經畧使與
監軍也哀意維周必奪其表乃匿于島間維周過即
馳詣京師上得奏大喜加駢檢校工部尚書復鎮安
南駢至海門而還晏權閭懦維周凶貪諸將不為之
用遂解重圍蠻遁去者大半駢至復督勵將士攻城
克之斬首三萬餘級南蠻率衆歸附者萬七千人

冬十月楊收罷

楊元价兄弟受方鎮之賂屢有請託收不能盡從元

价怒出之

後收以受賂事發長流驩州賜死

吐蕃拓跋懷光斬論恐熱傳首京師

吐蕃自是衰絕乞離胡

即吐蕃住相所立贊普事見前

君臣不知所

終

十一月以高駢為靜海軍節度使

自李承侵擾羣蠻為安南患殆將十年至是始平乃

置靜海軍于安南以駢為節度使

刻八年春二月歸義節度使張義潮入朝

先是義潮克復涼州至是入朝命其族子惟深守歸義

三月以李可及為左威衛將軍

上好音樂宴遊供奉樂工常近五百人每月晏設不減十餘水陸皆備每行幸內外諸司扈從十餘萬人所費不可勝紀可及善為新聲上以為將軍曹確諫

司樂賤工而昇以將軍重任爵賞之濫奚啻爛羊都尉曹確切陳貞觀訓詞復稱述太和近事懿宗畧不採納其視宣宗欲授

醫者場官聞諫
收教真相去霄
壤笑

由桂至徐數千
里其間州鎮以
十數乃惟湖南
誘輸兵甲山南
嚴兵守險此外
不聞有一發兵
捕勦者時當積
玩之餘縱賊不

曰太宗定文武官六百餘員謂房元齡曰朕以待天
下賢士工商雜流不可處也太和中文宗欲以樂工
為王府率拾遺竇洵直諫即改光州長史乞別除可
及官不從

戊戌九年秋七月桂州戍卒作亂判官龐勳將之北還冬

十月陷宿州徐州因觀察使崔彥曾

慎由從父弟

十一月詔遣

康承訓發諸道兵討之

初南詔陷交趾敕徐泗募兵二千赴援分八百人別

遂至坐視淪
月而莫之救
空室之不綱
久

戊桂州約三年而代至是戊桂者已六年屢求代還

徐泗觀察使

咸通五年復置

崔彥曾性嚴刻押衙尹戡等用

事以軍帑空虛不能發兵請令更留成一年戊卒聞

之怒都虞候許佶等作亂殺都將王仲甫推糧料判

官龐勛為主劫庫兵北還所過剽掠州鎮莫能禦

至

南監軍誘輸其兵甲勛等更出私財造之以山南東
道節度使崔鉉嚴兵守要害不敢入其境乃泛舟沿
江東下自浙西入淮南節度使令狐綯遣使慰勞都
押衙李湘曰徐卒擅歸勢必為亂雖無敕令誅討藩
鎮大臣當臨事制宜高郵岸峻而水深狹請將奇兵
伏于其側焚荻舟以塞其前以勁兵促其後可盡擒

也縱之度淮為患必大綸素懦怯曰彼在淮南不為
暴聽其自過餘非吾事也

浙西唐浙西節度治潤
川縣沿江而下由潤州而上廣陵故云廣陵進
南節度治高郵漢縣明為州今州屬揚州府

先是

朝廷間亂遣中使赦其罪部送歸徐復救崔彥曾慰

撫彥曾遣使喻以敕意道路相望勦等行及徐城

縣名

注見前乃言于眾曰吾輩擅歸思見妻子耳今聞已有

密敕下本軍至則滅族與其自投羅網曷若相與戮
力同心赴湯蹈火豈徒脫禍富貴可圖也眾皆呼躍
稱善遂于途中申狀乞停尹戡等職任仍請戍還將

士別置營將彥曾乃數勛罪命都虞侯元密將三千

人討之仍令宿泗州出兵邀擊密至任山

在徐州府銅山縣西

南

頓兵不進欲俟賊至擊之賊訶知乃詭道趣符離

漢縣故城

在今宿州

宿州兵出戰望風奔潰賊遂攻城陷之勛

自稱兵馬留後夜掠船順流而下

沿汴入淮

欲入江湖為

盜比明官軍始覺狼狽追之大敗密及士卒死者殆
千人餘皆降于賊賊遂還趣彭城時城中無備或勸
彥曾奔兗州彥曾怒曰吾為元帥城陷而死職也立

斬言者俄而賊至城陷囚彥曾殺尹戡等分遣其黨
七據要害縣鎮遠近羣盜皆倍道歸之由是賊衆益
熾詔以康承訓為行營都招討使王晏權戴可師為
南北面招討使大發諸道兵以隸之承訓奏乞沙陀

三部落

沙陀薩葛
安慶三部

使朱邪赤心

執宜之子

帥以自隨詔許

之

既而承訓至新興諸道兵集者總萬人以衆寡不
敵退屯宋州可師將兵渡淮轉戰而前恃勝不設

備賊衆數萬奄至縱擊官軍大敗可師及監軍皆死
晏權兵數退朝廷以曹翔代之新興鎮名在歸

德府永

城北

十二月龐勛遣其黨陷滁和州攻泗州不克

滁州隋置
今隸安徽

和州泗州

注俱見前

初辛雲京之孫讜寓居廣陵喜任俠年五十不仕與

泗州刺史杜悰

悰之弟

有舊及龐勛亂讜詣悰勸避之

悰曰安平享其祿位危難棄其城池吾不為也誓與

將士共死此城讜曰公能如是僕當與公同死乃還

廣陵與其家訣復如泗州先是龐勛以泗州當江淮

之衝遣其將李圓攻之悰預完守備賊不能克及是

勛益發兵使吳迥代圓進攻晝夜不息時敕使郭厚

本將淮南兵救泗州至洪澤

湖名在淮安府山陽縣西南與泗州盱眙接壤

湖東舊有鎮為南北要衝後因全淮通注久已湮廢

畏賊彊不敢進讜夜乘小

舟潛度說厚本往還者再厚本將許之都將袁公弁

唐書

作弁曰賊勢如此何暇救人讜援劍瞋目

謂公弁曰泗州陷在旦夕君受詔救援乃逗遛

不進上辜國恩雖生可羞且泗不守則淮南

為寇場君尚能獨存耶吾今當殺君而去

直前擊之厚本急抱

止之公弁僅免讜乃回望泗州慟哭終日士卒皆為之流涕厚本

乃分五百人與之讜帥以濟惱亦出兵表裏擊賊賊遂敗走已而

賊陷都梁城

執郭厚本 都梁城在今盱眙縣東南都梁山

據淮口分兵

南寇舒廬北侵沂海攻陷滁州

殺刺史高錫望

又掠和州

刺史

崔雍引賊入城賊遂大掠

泗州援絕糧盡讞夜帥敢死士十人執

長柯斧乘小舟破賊水寨而出明旦賊以衆追之讞

力鬪三十餘里乃得免至揚州

淮南節度治

見令孤絢至

潤州

浙西節度使

見杜審權時皆傳泗州已陷及讞至審

權乃遣兵二千人與淮南共輸鹽米以救之

明年正月讞以

浙西軍至楚州賊水陸布兵鏖斷淮流讞募敢死士先以四舟乘風直進死戰斧斷其鏖乃至州後軍為

賊所阻，謹還迎之。揚旗鼓譟而前，賊見其勢猛，銳避之。軍乃入，已而謹復帥驍勇四百迎糧于揚潤。賊夾岸攻之，謹輒戰百餘里，乃得至廣陵，止于公館，不敢入。家舟載鹽米二萬石，錢萬三千緡，還至斗山。賊將帥衆萬餘，密布戰艦以拒之。自卯戰至未，官軍不利。謹令勇士乘小舟入賊艦旁，戰柵之下，以槍搗大牛。焚之，賊皆潰走。官軍所戰，乃得入城。楚州注：見前斗山在盱眙縣東北，陡臨淮水，故亦曰陡山。戰柵，縛木于艦旁，出四五尺，謂之戰柵。大牛團草以焚其形，若牛故名。

是歲江淮旱蝗

己丑十年春正月，同昌公主適右拾遺韋保衡。

字蘊用京兆人

公主郭淑妃之女，上特愛之，傾宮中珍玩以為資送。

賜第總戶皆飾以雜寶井欄葉白亦以金銀為之賜錢五百萬緡他物稱是

二月康承訓敗賊于鹿塘

寨名在歸德府永城縣東南

承訓將諸道兵七萬餘人屯柳子

此鳳陽之柳子鎮也在今宿州西

之西自新興至鹿塘三十里壁壘相屬使朱邪赤心將沙陀三千騎為前鋒陷陳却敵十鎮之兵服其驍

勇承訓數與賊戰敗之賊將自矜淮口之捷

謂破戴可師

令三萬人夜襲鹿塘寨黎明圍之自謂功在漏刻沙

陀左右突圍出入如飛賊紛擾移避沙陀縱騎蹂之

賊遂大敗官軍蹙之于澠水

注見前

溺死者不可勝計

自鹿塘至襄城

襄當作相今宿州北有相城古相縣也去永城縣鹿塘寨數十里而近

代屍五十里斬首三萬餘級

初龐勛募人為兵人利其剽掠皆斷卿首而銳

之執以應募已而官軍大集宋州應募者少勛乃驅人為兵歛富室及商旅財十取八九民不聊生始歛苦之會有敕諸軍破賊得農民皆釋之由是賊每與官軍遇其驅掠之先自潰

夏四月龐勛殺崔彥曾自稱天冊將軍與官軍戰敗

康承訓進與賊將姚周戰一日數十合沙陀以精騎

邀之屠殺殆盡周奔宿州勛守將梁丕斬之勛聞之

大懼議自將出戰周重

素以才畧自負勛迎為上客

曰不若遂建

大號悉兵四出決死力戰殺崔彥曾以絕人望勛以

為然殺彥曾及募僚溫庭皓

彥博裔孫庭筠弟

監軍郭厚本

等

初勛陷彭城召庭皓草表求節鉞庭皓請還家草之明日庭皓見勛曰昨所以不即拒者歸與妻子

訣耳今謹來就死勛笑曰書生敢爾不畏死耶龐勛能取徐州亦何患無人草表乃使周重為之及是皓

遂遇害

選丁壯得三萬人給以精兵許佶等推勛為天

冊將軍勛以父舉直為大司馬留守徐州

或曰將軍方耀兵威

不可以父子之親失上下之節乃先是魏博何全皞令舉直趨拜于庭勛據案而受之

遣兵助官軍討賊屯于豐及是勛擊敗之約諸寨兵

合五六萬人乘勝攻柳子

本賊所屯賊敗官軍守之

康承訓設伏

以待之賊兵先至者遇伏敗走勛所將皆不戰而潰

承訓命諸將急追之賊狼狽自相蹈藉死者數萬人

勛走歸彭城

馬舉將兵救泗州賊衆大敗泗州圍解

先是戴可師戰死詔以前天雄軍

本魏博軍魏自田悅拒命遂削罷之

咸通四年復置
天雄軍于泰州

節度使馬舉代為南面招討使

通鑑不載

馬舉官爵今依唐書帝紀補輯再考康承訓傳舉作
士舉又今孤絢傳舉以右衛大將軍代絢鎮淮南吳
縝糾繆以名與官號紀傳不同莫知孰是今按紀傳
文蓋舉以節度使罷為將軍復出為招討使故于紀
稱前也至于舉作士
舉此乃傳錄之耳
至是舉將精兵三萬救泗州分

軍三道渡淮至中流大譟聲聞數里賊大驚斂兵屯

城西寨舉就圍之縱火燒柵賊衆大敗吳迴退保徐

城泗州之圍始解

泗州被圍凡七月守城者不得寐
面目皆生瘡已而吳迴竄據濠州

馬舉攻破
之迴走死

五月陝民作亂逐觀察使崔堯

堯以器韻自矜不親政事民訴旱堯指庭前樹曰此尚有葉何旱之有杖之民怒逐之堯走渴求飲民以

溺飲之

先是懷州刺史劉仁規亦以民訴旱揭榜禁之民遂作亂逐仁規後光州民復逐其刺史

李弱翁右補闕楊堪等上言刺史不道百姓負冤當訴于朝廷寘諸典刑豈得羣聚擅自斥逐此風不可

長宜加嚴誅以懲來者

以劉瞻

字幾之桂陽人

同平章事

先是蕭寘

復之孫五

高璟

字瑩之少逸兄元裕子六年四月相

徐商

六年

六月

于琮

八年七月相

相繼同平章寘與璩在位皆不久

卒商至是出為荆南節度使瞻素有清節劉璩作相以宗人遇之薦為翰林學士商既罷瞻遂相

秋八月賊將張元稔以宿州降引兵進平徐州

初龐勛怒梁丕殺姚周使張元稔代之以其黨張儒張實等將城中兵數萬拒官軍至是康承訓乘勝進抵宿州攻之不能克遣辯士招諭之元稔嘗戍邊有功雖脇從于賊心常憂憤召所親數十人謀歸國衆

多從之乃勒兵斬儒等開門出降承訓即宣敕拜御史中丞賜遺甚厚元稹復言今舉城歸國四遠未知請詐為城陷引衆趣符離及徐州賊黨不疑可盡擒也承訓許之元稹復入城暮發平安火明日積薪數千束縱火焚之如城陷軍潰之狀直趣符離符離納之斬其守將收其兵北趨徐州圍之喻城上人曰朝廷唯誅逆黨不傷良人汝曹奈何為賊城守于是守城者稍稍棄甲投兵而下崔彥曾故吏路審中開門

納官軍龐舉直許佶自北門出元稔遣兵追斬之悉

誅戍桂者其親屬皆死徐州遂平勛將兵二萬自石

山

即石佛山在徐州府銅山縣南

出承訓引步騎八萬西擊之使朱

邪赤心將數千騎為前鋒勛襲宋州陷其南城南掠

亳州沙陀追及之官軍亦太集縱擊殺賊近萬人餘

皆溺死勛亦死數日乃獲其屍賊諸寨皆殺其守將

而降

賊既平張元稔入為右驍衛大將軍康承訓為河東節度使加同平章事杜愔為義城節度使

冬十月以朱邪赤心為大同軍節度使賜姓李名國昌

辛讜為亳州刺史

上嘉赤心之功置大同軍于雲州

注見前

以赤心為節

度使呂見賜姓名賞賚甚厚讜先在泗州犯圍出迎

兵糧往返凡十二及除亳州上表言臣之功非杜悰

不能成也

國昌尋徙鎮振武

流陳蟠叟于愛州

注見前

上荒晏不親庶政委任路巖巖奢靡頗通賂遺至德

唐縣五代吳改建德今屬池州府

令陳蟠叟上書言事台對請破邊

咸一家可贍軍二年上問咸為誰對曰路巖親吏上怒流之自是無敢言者

庚寅十一年春正月羣臣上尊號

貶康承訓為恩州

唐置今肇慶府恩平縣是司馬

路巖韋保衡上言承訓討龐勛時逗撓不進又貪虜獲不時上功貶之

二月南詔攻成都

初鳳翔少尹李師望請置定邊軍

師望言舊州當南詔要衝成都道遠

難以節制請建定邊軍屯重
兵于雋州以邛州為理所

詔從之即以師望為節

度使

師望建議徙利專方面其實邛距成都一已而
百六十里雋距邛尚千里其欺罔如此

南詔驃信

蠻語
君也

首龍傾國入寇陷嘉

今四川嘉
定府是

黎雅

注俱州

李福之鎮西州也南詔遣清平官董成等以
南詔已僭號欲抗禮福怒囚之已劉潼代福

奏遣還國于是南詔遣使來謝李師望欲激怒南詔以求
還國于是南詔遣使來謝李師望欲激怒南詔以求

功遂殺之定邊將士怨師望貪殘欲主食之陰遣人
致意南詔教使入寇師望以計免詔以實誘代之誘

貪殘更甚于師望定邊大困會蠻寇至陷嘉州誘傑
之大渡河諸將結陳將戰誘卑騎背道蠻遂陷黎雅

至是西川民間蠻寇將至爭走入成都

市里皆滿人
所占地不過

一席許雨則戴箕盃自庇城中井為之竭取摩訶池
泥汁澄而飲之摩訶池舊在成都府城內今埋

節度使盧耽與前瀘州

唐置今
隸四川

刺史楊慶復共修守

具選將校募驍勇之士厚給糧賜得三十人號曰突

將蠻進軍定邊北境耽遣使致書其用事之臣

杜元
忠

問所以來之意蠻以耽待之恭與盤桓由是成都

守備粗完蠻進陷雙流

隋縣今屬
成都府

抵成都

特興元鳳
翔援軍已

至漢州會賓旁奔漢州自以失地欲西川相繼陷沒
以分其責每遇援軍輒說以蠻衆多于官軍數十倍
諸將皆不敢進漢越數日蠻合梯衝四面攻城楊
州唐置今屬成都府

慶復等悉力拒守帥突將出戰俘斬二千餘人焚其

攻具蠻稍卻

蜀人素怯突將利于厚賞勇氣自信其不得出者皆憤鬱求奮

朝廷以

顏慶復為東川節度使援蜀諸軍皆受節制

貶實潯康州司戶而

遠之顏慶復至新都

漢縣今屬成都府

蠻分兵來拒慶復擊破

之將軍宋威繼至會戰蠻軍又大敗威遂進軍距城

二十里

方成都圍急盧耽請遣使與蠻和詔以太僕卿支詳為宣諭通和使詳至蠻遣使迎之詳

謂曰受詔約和冀不犯成都也今天石晝夜相交何謂和乎既而蠻屢敗數遣使請和城中依違答之

蠻益急攻城會官軍已至城下蠻夜燒攻具遁去比

旦官軍乃覺威飯士欲追之顏慶復忌其功

朝廷使顏慶復

救成都命威為後繼威乘勝先至城下故慶復疾之

牒威還漢州蠻至雙流阻

水狼狽造橋三日乃得過蜀人甚恨之然自是成都

有備

成都舊無壕塹顏慶復始教築壘門城穿壘引水滿之又植鹿角分營鋪壘門之外別築牆

以遮城

門謂之壘門鹿角斬木為之環列

蠻亦

于城外以限衝突營士卒所居鋪候望所守

不復來犯矣

西川牙將以功補官者堂帖人翰堂創錢三百緡貧者苦之堂帖沈括日唐

中書指揮事謂之堂帖

夏四月以韋保衡同平章事

曹確罷保衡代

保衡以右拾遺尚主尋遷翰林學士至是纔歲餘遂相

秋八月魏博殺其節度使何全皞

全皞年少驕暴好殺軍中作亂全皞單騎走追殺之

自何進滔得魏博至全皞傳三世四十二年而滅

推大將韓君雄魏州人為留

後成德節度使王景崇為請旌節詔許之

君雄後賜名允中乾

符初卒子簡為留後

同昌公主卒貶劉瞻為驩州司戶溫璋為振州

唐置治寧遠改

城在今

崖州

司馬

同昌公主卒

諡文懿

上痛悼不已殺醫二十餘人收其

其親族三百餘人繫獄宰相劉瞻召諫官言之莫敢

進乃自奏之

畧曰修短之期人之定分非公主有疾
醫官非不盡心而禍福難移竟成蹉跌

揀繫老幼物議沸騰奈何以達
理知命之君涉肆暴不明之謗

上覽奏不悅瞻又與

京兆尹溫璋等力諫上大怒叱出之瞻尋罷為荆南

節度使璋貶振州司馬璋歎曰生不逢時死何足惜

仰藥卒韋保衡又與路崖共譖瞻云與醫官通謀投

毒藥貶康州刺史

翰林學士承旨鄭畋草制曰安數畋之居仍非已有卻四方之略惟

畏人知巖謂畋曰侍郎乃表薦劉相也

坐貶梧州刺史鄭畋字台文榮陽人

巖素與瞻議

論不恟既貶猶不快閱十道圖以驪州去長安萬里

再貶之

明年正月葬同昌公主服玩每物皆百二十與錦繡珠玉輝煥三十餘里樂工李可及作

數百年曲舞者數百人以雜寶為首飾純八百匹為地衣舞罷珠瑱覆地

冬十月以王鐸

字昭範播從子

同平章事

鐸韋保衡及第時主文也

唐禮部校文主司謂之主文

保衡緣恩

倖輔政以由鐸得進士事之謹然鐸素薄保衡保

溺愛厚殉其諤目不待言然如自二十與三十除里云云舞罷行瑱覆地則理所必無夫數百人之首飾安得如許雜寶即誠有之亦豈能覆二十里之遠蓋所云付之不若作史者形容而甚其詞耳

衡亦病鐸在政府持其事不得肆遂諧之鐸後出為

宣武節度使

鐸罷相在十四年六月

復以徐州為感化軍

先是徐州賊平置徐泗都團練防禦使既而餘賊相聚

閭里為羣盜上用廷臣議

太子少保李膠等言使名雖降兵額尚存以為

支郡則糧餉不給分隸別藩則人心未服宜有更張庶為兩便從之

徐州仍為觀察使

統徐濠泗州別為團練使

割隸淮南至是復以徐州為節

宿三州

度使名感化軍

辛卯十二年夏四月路巖罷

巖與韋保衡素相表裏勢傾天下

時日其黨為牛頭阿旁言如鬼陰惡

可畏也既而爭權有隙保衡遂短巖于上出鎮西川

巖出

城路人以互聯擲之巖謂權京兆尹薛能曰臨行煩以瓦礫相發能日向來宰相出府司無例發人防衛

巖甚慙薛能

字大拙汾州人

五月上幸安國寺

賜寺僧沈檀講坐二各二丈設萬人齋

冬十月以劉鄩同平章事

鄴素附韋保衡路巖巖既罷鄴以禮部尚書相仍判
度支

壬辰十三年春正月幽州節度使張允伸卒

允伸鎮幽州二十三年勤儉恭謹邊鄙無警上下安
之得疾請委軍就醫許之以其子簡會為留後允伸
病甚表納旌節而卒已而平州刺史張公素

范陽人以

兵來會喪公素素有威望為幽州人所服簡會懼奔

詔以公素為留後

尋授節度使

二月于琮罷以趙隱

字大隱京兆奉天人

同平章事夏五月貶琮

為韶州刺史

琮為韋保衡所譖罷相再貶韶州琮妻廣德公主上

之妹也與琮偕之韶行則肩輿門相對坐則執琮之

帶琮由是獲全

時諸公主多驕縱惟廣德動遵法度事于氏宗親無不如禮內外稱之

秋七月以李璋為宣歙觀察使

韋保衡欲以其黨裴絛為郎官憚左丞李璋方嚴恐

其不放上

郎官除授非人丞得糾劾不令上官

先遣人達意璋曰朝廷

遷除不應見問保衡怒出之

八月歸義節度使張義潮卒以其長史曹義金代之
是後中原多故朝命不反回鶻陷甘州餘州為羌胡
所據

癸巳十四年春正月遣迎佛骨夏四月至京師

上遣敕使詣法門寺迎佛骨羣臣諫者甚衆至有言
憲宗迎佛骨尋宴駕者上曰朕生得見之死亦無恨
及至京師儀衛之盛過于郊祀上降樓膜拜流涕霑

臆迎入禁中宰相已下競施金帛因下德音降中外
繫囚

秋七月帝崩普王儼

帝第五子

即位

是為僖宗

上疾大漸中尉劉行深韓文約立上少子普王儼為
皇太子權勾當軍國政事帝崩太子即位時年十二
八月關中河南大水

九月貶韋保衡為賀州刺史尋賜死

冬十月以蕭倣同平章事

倣前鎮義成

治潯州河患民賴以安

入為兵部尚書至是遂相

僖宗皇帝

甲午乾符元年春正月關東旱饑

翰林學士盧攜

字子升鄭州人

上言曰國家之有百姓如草

木之有根柢若秋冬培溉則春夏滋榮今關東旱災所至皆饑人無依投待盡溝壑其蠲免餘稅實無可

徵而州縣督趣甚急動加捶撻雖撤屋伐木民妻鬻

子止可供所由

謂督催之吏卒

酒食之費未得至于府庫也

朝廷儻不撫存百姓實無生計乞敕州縣一切停徵
仍發義倉亟加賑給救從其言而有司竟不能行

賜路巖死

巖先貶新州

注見前

刺史

巖喜聲色遊晏在西川委政于親吏邊成郭籌軍中不安

坐貶在道削官長流儋州

注亦見前

尋賜死

巖之為相也密奏三品以上賜

死皆令使者剔取結喉三寸以進驗其必死至是自罹其禍所死之處乃楊收賜死之榻也邊成郭籌皆伏誅初巖自淮南崔鉉幕府入為御史不出長安十年至宰相其入翰林也鉉聞之曰路十已入翰林如

何得老果如其言

二月葬簡陵

在西安府富平縣西北

賀善贊曰懿宗即位十四年無一善可紀是以內盜迭興南詔再亂民逐其上而唐室大壞矣

夏五月以劉瞻同平章事秋八月卒

瞻之貶也人無賢愚莫不痛惜及還長安兩市人率錢雇百戲迎之瞻聞之改期由他道而入初瞻南遷劉鄴短之于韋路至是鄴懼延瞻置酒瞻歸而卒人以為鄴鵠之也

以崔彥昭

字思文
羣從子

同平章事

自楊收路巖韋保衡皆以朋比受賂得罪及是蕭倣
秉政彥昭輔之頗革前弊彥昭察而不煩時論稱之
冬十月劉鄴罷以鄭畋盧攜同平章事

蕭倣崔彥昭素惡鄴故罷畋攜同時並相

十一月羣臣上尊號

濮州人王仙芝作亂

自懿宗以來奢侈日甚用兵不息賦斂愈急關東連
年水旱州縣不以實聞百姓流殍無所控訴相聚為

盜所在蜂起州縣兵少人不習戰每與盜遇官軍多

敗是歲王仙芝聚眾數千人起于長垣

漢縣今屬大名府

未_レ二年春正月以高駢為西川節度使

先是南詔寇大渡河遂陷黎州入邛崃關

在雅州府榮經縣西

寰宇記關約山據險扼蕃夷要害

成都大震驃信遺節度使牛勣書

云欲入見天子面訴冤抑今假道貴府止留數日叢

素懦怯欲許之楊慶復以為不可斬使者留二人遣

還授以書詈辱之蠻兵乃退詔高駢詣西川制置蠻

事尋以為節度使駢至劍州先遣使開成都門或諫
曰蠻寇逼近萬一狃突奈何駢曰蠻聞我來逃竄不
暇何敢輒犯成都今春氣向暖數十萬人蘊積城中
將成癘疫不可緩也使至縱民出城各復常業民
大悅蠻方攻雅州聞之遣使請和引去駢發兵追至
大渡河殺獲甚衆擒其酋長數十人修復邛崃關大
渡河諸城柵各置兵數千戍之自是蠻不復入寇

蠻之

寇大渡河也防河兵馬使黃晟復再戰再勝會蠻發
中國兵繼至景復力戰無救軍遂潰至是高駢青景

駢初至西川諸
事機畧頗漫信
妖術焚紙散豆
遂誅軍士之心
且停廉省官後
濟以嚴酷浸致
突將諒亂謗謝
既承大侏孺職
濫反多人豈良
將所為哉

復守失所之楊受復所募突將以守成都功優給右
職駢悉令納牒停其廩給突將皆憤惡駢好妖術每
發兵焚紙畫人馬散小豆曰蜀人懦怯今遣元女助
兵軍士恥之駢又停省吏官刑罰嚴酷由是突將因
之作亂大誅入府駢走匿廁間監軍遣人招諭許復
職名廩約乃肯還營駢將謝突將而陰藉其名尋使
人掩捕殺之老幼
無遺凡數千人

以田令孜為中尉

蜀人本姓陳氏

上之為晉王也小馬坊使田令孜有寵及即位使知

樞密遂擢為中尉上專事遊戲政事一委令孜呼為

呵父令孜頗讀書多巧數納賄除官不復闕白每見

常自備果食與上對飲啗上與內園小兒狎昵賞賜動以萬計府藏空竭令攷上籍兩市商貨悉輸內庫中有陳訴者付京兆杖殺之宰相以下鉗口不敢言浙西鎮遏使王郢作亂

先是以趙隱出鎮浙西

在元年二月

鎮遏使王郢等有戰功

隱賞以職名而不給衣糧郢等遂剗庫兵作亂收衆萬人攻陷蘇常州泛江入海轉掠浙南及福建大為

人患

後裴璩為浙西節度使密招郢黨降之散其徒六七千人郢收餘衆走明州鎮遏使劉巨容射

而殺之餘黨皆平 裴瑒
諡從曾孫劉巨容徐州人

夏五月同平章事蕭傲卒六月以李蔚

字茂休隴西人

同平章

事

時天下盜起宦官持兵柄傲以鯁直見忌及卒蔚代

之

王仙芝陷濮曹州冤句

漢縣金嶽故城在曹州府屬荷澤縣

人黃巢聚衆

應之

仙芝及其黨尚君長攻陷濮曹州天平節度使薛崇

出兵擊之不利宛句人黃巢善騎射喜任俠麗涉書
傳屢舉不第遂與仙芝共販私鹽至是聚衆應之攻
荊州縣民之困于重斂窘而逃命者爭歸之聚衆至數
萬

秋七月大蝗

飛蝗蔽日所過赤地京兆尹楊知至女子奏蝗不食
稼皆抱荆棘而死宰相以下皆賀

冬十月貶董禹為柳州司馬

右補闕董禹諫上遊畋擊毬上賜金帛以褒之邠寧

節度使李侃奏為假父求贈官

侃為宦者假子

禹上疏論之

語侵宦官樞密使楊復恭

本姓林氏為楊欽義養孫

等訐于上遂

坐貶

十二月以宋威為諸道行營招討使

王仙芝寇沂州平盧節度宋威請帥兵討賊故有是

命仍詔諸道兵取處分

丙申三年春正月天平軍亂詔本軍宣慰之

天平軍遣將士張晏等救沂州還聞北境有盜使留扞
禦晏等不從誼課趣府都將張思恭出歲慰諭然後定

詔本軍宣慰無得窮詰

胡三省曰唐自中葉以來姑
息藩鎮至其末也姑息亂軍

遂陵夷以
至于亡

二月令天下鄉村各置弓刀鼓板以備羣盜

三月崔彥昭罷以王鐸同平章事

彥昭罷為太子太傅鄭畋數推鐸遂以左僕射復相
夏五月以李可舉為盧龍節度使

初可舉父茂勲

回鶻阿布思之裔以軍功賜姓名

逐張公素而代之

至是茂勲致仕請以軍授可舉從之

六月雄州

唐置後廢故城在寧夏府靈州

地震裂水湧出

壞州城及公私廬舍皆盡

秋七月宋威擊王仙芝于沂州大破之

宋威擊王仙芝大破之仙芝亡去威奏仙芝已死縱

遺諸道兵百官皆入賀居二日州縣奏仙芝尚在攻剽

如故時兵始休詔復發之士皆憤怨思亂

仙芝尋陷汝州又陷

陽武鄭州
復攻唐節

詔忠武節度使崔安潛

字進之
慎由弟

發兵討王仙芝

九月乙亥朔日食

冬十二月王仙芝寇淮南諸州

鄭畋上言自沂州奏捷之後仙芝愈肆猖狂屠陷五
六州瘡痍數千里宋威哀病殊無進討之意會元裕
望風退縮崔安潛威望過人張自勉驍勇良將宮苑
使李琢西平王晟之孫嚴而有勇請以安潛為行營

都統琢為招討使代威自勉為副使代元裕上頗采其言

以王仙芝為神策押牙不受

王仙芝攻蘄州以書與刺史裴渥約歛兵不戰渥許為之奏官開城延仙芝及黃巢輩入置酒厚贈之表陳其狀詔以仙芝為左神策軍押牙仙芝甚喜黃巢以官不及已大怒曰始者共立大誓橫行天下今獨取官而去使此五千餘衆安所歸乎因毆仙芝傷首

其衆誼華不已仙芝遂不受命大掠蘄州分其軍三千餘人從仙芝及尚君長二千餘人從巢分道而去

丁酉四年春二月南詔酋龍死子法立請和許之

酋龍為邊患殆二十年及是死子法立好畋獵酣飲

委國事于大臣嶺南西道節度辛讜奏南詔請和且

言諸道兵戍邕州歲久餽餉疲弊請許其和使羸瘵

息肩詔許之但留荆南宣歙數軍餘減六七

先是高駢奏遣

僧景仙託遊行入南詔說諭酋龍許以公主妻之時駢方築成都羅城恐蠻寇驚役又以蠻俗尚浮屠故

欲先遣景仁往苗龍果禮之信用其言已而法立請
和親無表但令督爽牒中書請為弟而不稱臣禮部
侍郎崔澹等言南詔驕僭無禮高駢不達大體因一僧
咕囁卑辭誘致其使若從其請恐垂笑後代駢上表
表與澹等辨詔詢解之後辛謹復遣攝巡官徐雲虔
如南詔牒使稱臣奉表貢方物法見雲虔與抗禮謂
曰而詔已與唐約為兄弟不則舅好何表貢之有雲
虔曰驛信之先由大唐之命得合六詔為一恩德深
厚中間小愆罪在邊鄙今驛信秋合六詔為一遠祖
考之故事乎順祖考孝也事大國義也息戰爭仁也
審名分禮也四者皆令德也可不勉乎驛信待雲虔
甚厚比還授以木夾二一上中書門下一牒嶺南西
道然猶未肯奉表稱貢崔澹博陵人也督爽南詔有
葛琮爽等官分理諸務其相督之木夾蓋所以夾文

書

者

夏四月壬申朔日食

秋七月王仙芝黃巢圍宋州

仙芝陷鄆州巢陷鄆州沂州至是合軍圍宋威于宋
州將軍張自勉將忠武兵七千救之殺賊二千餘人
賊解圍遁去王鐸盧攜欲使自勉以所將兵受宋威
節度鄭畋以為威與自勉素有疑忿若在麾下必為
所殺不肯署奏遂皆求罷免不許

鹽州作亂逐刺史王承顏詔貶承顏象州

唐置今屬
柳州府

司

戶承顏素有政聲以嚴肅為驕卒所逐朝廷與貪暴致亂者同貶時人惜之

冬十一月王仙芝遣尚君長請降宋威執之以獻斬之

招討副都監楊復光

閩人官官楊元价養子

遣人說諭王仙芝

仙芝遣尚君長等請降宋威遣兵劫取以獻奏與戰生擒復光奏君長實降詔以御史鞠之竟不能明遂斬之

江州刺史劉秉仁斬賊帥柳彥璋

彥璋王仙芝別將襲陷江州執刺史陶祥使上表請
降敕以彥璋為將軍令衆散以劉秉仁為刺史彥璋
擁衆剽掠如故至是秉仁乘驛之官單舟入賊水寨
彥璋出不意即迎拜秉仁斬之而散其衆

戊戌
五年春正月王仙芝寇荆南

王仙芝寇荆南節度使楊知溫

知溫之兄

不設備賊陷羅

城知溫猶賊詩山南東道節度使李福自將救之時

有沙陀五百在襄陽福與之俱至荆門

唐縣五代高氏于此置軍

元改為州今屬安陸府

遇賊沙陀縱騎奮擊破之仙芝聞之焚

掠而去死者什三四

招討副使曾元裕大破王仙芝于申州詔以為招討使
張自勉副之

先是鄭畋與王鐸盧攜爭論用兵于上前畋不勝退
上奏曰自王仙芝假擾崔安潛首請討之賊不敢犯
其境又以兵授張自勉解宋州圍使江淮漕運流通
不輸寇手今罷自勉而以所將兵七千人隸宋威威

復奏加誣毀若勃寇忽至何以枝梧臣請以四千人授威餘三千人使自勉將之守衛其境盧攜不以為然上不能決敗復上言宋威欺罔朝廷敗衄狼籍宜正軍法不從至是元裕大敗仙芝殺萬人招降散遣者亦萬人乃罷威而以元裕為招討使自勉副之

大同軍亂殺防禦使段文楚推李克用為留後

振武節度使李國昌之子克用為沙陀副兵馬使戍蔚州時河南盜賊蜂起雲州沙陀兵馬使李盡忠與

牙將康君立

興唐

薛志勤

即薛鐵山
奉誠人

程懷信李存璋

存璋

字德瑣
雲州人

等謀曰今天下大亂朝廷號令不復行于四

方此乃英雄立功名取富貴之秋也李振武功大官

高名聞天下其子勇冠諸軍若輔以舉事代北不足

平也衆以為然會代北薦饑漕運不繼防禦使段文

楚頗減軍士衣糧軍士怨怒盡忠遣君立潛詣蔚州

說克用起兵除文楚而代之克用曰吾父在振武候

我稟之君立曰今機事已泄緩則生變于是盡忠夜

執文楚繫獄克用率其衆趣雲州行收兵衆且萬人
盡忠送符印請克用為留後而殺文楚克用遂入府
視事表求救命朝廷不許國昌上言請速除防禦使
若克用違命臣請帥本道兵討之終不愛一子而負
國家朝廷乃以盧簡方為防禦使詔國昌語克用令
迎候如常儀除克用官必令稱愜

李克用
始此

二月曾元裕大破王仙芝于黃梅

隋縣今屬
黃州府

斬之

元裕大破仙芝殺五萬餘人斬仙芝首傳京師餘黨

散去

黃巢自稱衝天大將軍陷沂濮掠宋汴

巢方攻亳州未下尚讓帥仙芝餘衆歸之推巢號衝

天大將軍

改元王霸

署官屬攻陷沂濮掠宋汴

尋又陷虔吉饒信等

州信州今廣信府是唐置

虔州吉州饒州注俱見前

夏四月以李國昌為大同節度使國昌不奉詔

朝廷以克用據雲中以李國昌為大同節度使以為

克用必無以拒也國昌欲父子并據兩鎮得制書毀

國昌諤托公忠
旋抗朝命奸雄
情狀固然然尔
時謀國者始曉
昌國之奏而後
敢除防禦又慮

之殺監軍與克用合兵進擊寧武

軍名今寧武府是

及尙風軍

今太原府

尙嵐州是

克用之拒而即以節度界國昌
惟怯無主早已
為所輕量安得
不釀成跋扈耶

詔河南貸商稅富人錢穀除官有差

詔以東都軍儲不足貸商旅富人錢穀以供數月之
費仍以空名告身賜之時連歲旱蝗寇盜充斥耕桑
半廢租賦不足故有是命

五月鄭畋盧攜罷

鄭畋盧攜議南詔事

時南詔遣使請和

攜欲和親畋不可攜

怒拂衣起袂罽毼墮地破之上聞之曰大臣相詬何以儀型四方遂皆罷之

以豆盧瑑

字希真河南人

崔沆

字內融鉅之子

同平章事

是日宣麻大風雷雨拔樹識者知其不終云

時宰相有好施

者嘗囊錢自隨行施旬者每出襁褓盈路有朝士以書規之曰今百姓疾弊寇盜充斥相公宜舉賢任能紀綱庶務捐不急之費杜私諂之門使萬物各得其所何必如此行小惠乎

六月以高駢為鎮海節度使

王仙芝餘黨剽掠浙西朝廷以高駢先在天平有威

名仙芝黨多鄆人乃使駢鎮浙西

秋七月黃巢寇宣州入浙東

注見前

黃巢寇宣州觀察使王凝

字成庶相曾孫

拒之巢攻城不克

乃引兵入浙東開山路七百里攻剽福建諸州

冬十月河東昭義合兵討沙陀大敗昭義節度使李鈞

巢之子戰死

十二月曹師雄寇掠二浙

王仙芝餘黨曹師雄寇掠二浙抗州募兵使石鏡

名鎮

在臨安縣南以石鏡山
名後改山為衣錦山

都將董昌

臨安人

等將以討之

臨安人錢鏐


字具美

以驍勇事昌為兵馬使

錢鏐事始此



御批歷代通鑑輯覽卷六十二



總校官候補中允臣王燕緒

校對官編修臣吳舒帷

謄錄監生臣李邦燮

財團法人
佛陀教育基金會
釋淨空
敬贈

